



光緒順天府志

藝文志  
順天人著述二

ル 5  
1481  
62





明小字6  
補卷

1481  
62



藝文志二 光緒順天府志一百二十三

順天人著述一 江陰繆荃孫纂

燕自韓太傅受易傳詩脩明家法西京經術魁能冠倫盧高兩家

並峙漢末雖存少佚多而微言未墜魏晉以降著述滋繁爰甄采

史志網羅舊聞以書繫人其人繫代略誌體例不知則闕如常禳

經明出依託宋志兵書類常禳經一卷燕丹子決非自著類皆刪

削無取附益兼載刊本者近人目錄學新例也志順天人著述

漢 韓嬰易傳十二篇漢志二篇荃孫按十二篇上下經並

存輯本張樹二酉堂本 孫彤問經堂本 張惠言易

嬰事蹟詳先賢傳此書久佚今存武威張樹承德孫彤武進張

惠言三家輯子夏傳本張樹據漢志分二卷按釋文序錄子夏易

張樹據漢志分二卷



傳三卷卜商字子夏孔子弟子七略云漢興韓嬰傳中經簿錄云丁寬所作張璠云或駢臂子弓所作薛虞記虞不詳何許人唐會要開元七年劉子元議曰漢書藝文志易有十二家而無子夏傳至梁阮氏七錄始有子夏易六卷或云韓嬰作或云丁寬作司馬貞議曰王儉七志引劉向七略云易傳子夏韓氏嬰也是子夏之爲韓嬰當以七略七志七錄爲據嬰爲幼孩夏爲長大名與字取相反而相成也麻城馬國翰云此書自駢臂傳之子夏至丁寬韓嬰得而修之如毛萇說詩首列子夏小序之類故班志易十三家有丁氏八篇韓氏二篇而不云子夏猶之毛詩但言毛傳而不別錄小序之目也馬氏欲盡通諸家之不同其說甚辨然漢志有韓丁無駢臂子弓則張璠之言不足信丁寬受易田何上及駢臂子弓受之商瞿非自子夏則荀勗言

丁寬亦非孫坦周易折蘊以爲杜鄴趙汝楙周易輯聞徐幾易輯皆以爲鄧彭祖近人又以爲韓商懸空臆度迄非定論劉向父子博學近古以爲韓嬰當必有據儒林傳稱韓生亦以易授人推易意而爲之傳不聞其所受意者出於子夏與商瞿之傳異邪今仍從七略著錄張弧僞撰更無論矣

韓故三十六卷 漢志 隋志 二十二卷 新舊唐志 二十卷

漢書嬰傳云淮南賁生受之後有王食長孫之學後書薛漢世習漢詩以章句著名弟子杜撫定韓詩章句其所作詩題約義通學者傳之曰杜君注云按章懷注後書李善注文選引其說尤多或稱薛君薛夫子蓋杜撫尊其師說卽杜撫所注世罕知其出于撫矣



詩內傳四卷

漢志

存輯本

原書久佚餘姚邵晉涵有內傳考稿亦散失高郵宋縣初內傳徵有梓本

詩外傳六卷

漢志十卷 隋志十卷 新舊唐志十卷 宋志十卷 四庫全書總目十卷

存

通津草堂刊本 武進趙懷玉校本 新安周廷案注本 嘉定陳琢疏證本 新

漢志本六卷隋志以後皆十卷蓋後人所分或云合內外傳為一非也其書多奄取荀卿書與賈子說苑戴德記相出入雜引古事古語證以詩詞與經義不相比附故曰外傳班固論三家之詩稱其或取春秋采雜說咸非其本義殆即指此類與然其中引荀卿非十二子一篇刪去子思孟子二條惟存十子其去取特為有識是書之例每條必引詩詞而未引詩者二十八條

又吾語汝一條起無所因均疑有闕文李善注選引其孔子升泰山觀易姓而王者七十餘家事及漢皋二女事今本皆無之疑竝有脫簡董斯張據文選注藝文類聚等書云有逸文趙懷玉輯成一卷中有涉訓詁者恐不盡外傳矣

佚

隋唐志未著錄近人輯韓詩遺說有金谿王謨武進臧庸麻城馬國翰陽湖蔣曰豫諸家而蔣氏為最詳備嘉興馮登府侯官陳縱喬加以疏證歸安嚴可均韓詩輯冥搜遠引曲證旁通雖未能盡復韓氏家泐然由孤文隻義推見大略亦可謂善於考古馬氏從漢志分韓故韓內傳外傳韓說各成一卷終嫌武斷不如諸家統曰韓詩遺說之為當也



徐樂一篇 漢志

存

樂事蹟詳先賢傳漢志入縱橫家即上武帝言世務書見漢書

本傳史記主父偃傳

盧慎盧公範

佚

慎元和姓纂云涿郡涿人盧公範見御覽二十五三十三本注

盧公範者盧慎家之法也又作盧公家範御覽二十五引作饋

餉儀疑是子目隋志不著錄章宗源隋志攷證云盧公範撰誤

張本御覽作盧懷慎尤誤

盧植尚書章句

范書盧植傳

佚

植事蹟詳先賢傳范書植傳魏志盧毓傳裴注引續漢書皆云  
作尚書章句未詳何家蔣曰豫兩漢傳經表列於古文植傳不  
云古文然植事馬融融治古文植受治當不異也

禮記解詁十卷

隋志新舊唐志十卷

存輯本

武進臧鏞拜經堂刊本 金谿王謨漢魏遺書鈔本 馬國翰玉函山房本

經義雜記云盧氏校定禮記今日雖亡漢唐人偶有稱述尙可

得其略其一檀弓下子顯以致命於穆公鄭注使者公子繫也

盧氏云古者名字相配顯當作韃今考詩白駒繫之維之傳繫

絆也禮記月令則繫騰駒是繫爲維絆義說文顯頭明飾也與

繫義無涉驪著掖鞞也又釋名云韃經也橫經其腹下也與維

絆義合故名繫字子韃此校之盡善者其一曲禮猩猩能言不

離禽獸釋文禽獸盧本作走獸正義曰別而言之羽則曰禽毛



則曰獸通而爲說鳥不可曰獸獸亦可曰禽故易云王用三驅  
失前禽則驅走者亦曰禽也又周禮司馬職云大獸公之小禽  
私之以此而言則禽未必皆鳥也又康成注周禮云凡鳥獸未  
孕曰禽周禮又云以禽作六摯卿羔大夫雁白虎通云禽者鳥  
獸之總名以此諸經證禽名通獸者以其小獸可擒故通名禽  
也孔氏所據精博盧氏定爲走獸失之拘泥此校之未盡善者  
按本傳云植作三禮解詁攷隋志植注禮記十卷經典釋文植  
注禮記二十卷唐藝文志同而不見三禮之名卽植上書亦止  
言今之禮記特多回冗臣前以周禮諸經發其紕繆耳今釋文  
正義通典均引植禮記注而無周禮儀禮續漢書所云較是范  
云三禮傳聞誤也按元行沖曰小戴禮行於漢末盧植合二十  
九篇爲之解世所不傳是唐時已佚今王謨臧庸馬國翰均有

補續漢記

佚

輯本余蕭客據釋文別出禮記音恐卽在解詁中今不錄

玉海卷四十六云盧植拜議郎與馬日磾蔡邕楊彪韓說等並  
在東觀補續漢記

冀州風土記

佚

寰宇記六十三引冀州風土記曰黃帝以前未可備聞唐虞以  
來冀州乃聖賢之藪帝王之舊地

集二卷

隋志

舊唐志二卷

佚

范書本傳云所著碑誄表記凡六篇隋志已在亡書之列唐志



卷帙與七錄同大約唐時復出而佚於宋初者今按始立太學石經日食上封事獻書規竇武三篇見本傳奏事見初學十書鈔九十五鄺文勝誄見書鈔九十九

植別傳

佚

御覽卷五百五十五引之事已見本傳

高誘禮記注 無卷數

佚

誘事蹟詳先賢傳此書隋志未著錄藝文類聚引之

明堂月令四卷

未見

王應麟曰劉向別錄有古文明堂禮王居明堂禮明堂圖明堂

大圖明堂陰陽並說古明堂之事其書皆亡唐會要引禮記明堂陰陽錄牛弘亦引明堂陰陽錄今禮記月令於別錄中屬明堂陰陽記故謂之明堂月令朱彝尊經義攷云乙亥二月於吳興書賈舟中獲月令四卷題曰明堂月令乃舊本讀之其字句與今本月令頗有不同如季春行冬令及孟夏行秋令前均有行之是令而甘雨至三旬十字季夏行春令前有行之是令是月甘雨至三旬二日十三字孟秋行冬令前有行之是令而涼風至三旬十字仲秋行春令前有行之是令白露降三旬九字季冬行秋令前有行之是令此謂一終三旬二日一十二字注行之是令行是之令也甘雨至三旬十日一雨三旬三雨也二日者陰晦朔也月十日一雨又二十日一雨一月中得二日爾故曰三旬二日終一歲十二月終也三旬二日者十日一旬二



十日爲二旬後一旬在口月故曰三旬二日也較之呂覽其文  
正同蓋好事者以誘所注呂覽鈔出成書

孝經解 無卷數

佚

隋志未著錄見誘呂氏春秋訓解序

正孟子章句 無卷數

佚

隋志未著錄亦見誘呂氏春秋訓解序似是正程曾之書也

戰國策注二十一 篇今四卷

存 黃丕烈士禮居刊本  
盧見會雅雨堂刊本

案崇文總目云戰國策篇卷亡闕第二至第十第三十一至第  
三十三闕又有後漢高誘注本二十卷今闕第一第五第十一

至二十止存八卷曾鞏校定序曰此書有高誘注者二十一  
或曰三十二篇崇文總目存者八篇今存十篇行世本三十三  
卷皆題曰高誘注而有誘注者僅二卷至四卷六卷至十卷與  
崇文總目八篇數合又最末三十二三十三兩卷合前八卷與  
曾鞏序十篇數合而其餘二十三卷皆非誘注即所存十卷略  
存訓詁兼及地理恐亦不免闕失然攷秦策姚賈注云姚賈譏  
周公誅管蔡不仁不知者在孟子之篇也今孟子作陳賈是誘  
所見本異也

呂氏春秋解詁二十六卷

存 隋志六卷  
新舊唐志二十一  
宋志二十六卷

誘序自言嘗爲孟子章句及孝經解等今已不見世所傳誘注  
國策亦非真本唯此書及淮南王書注最爲可信誘注二書亦



間有不同有始覽篇大汾冥阨解云大汾處未聞冥阨荆阮方城皆在楚而淮南王書注則云大汾在晉冥阨淮南作澠阨注云今宏農澠池是也先識覽篇男女切倚解云切磨倚近也淮南王書倚作踦注又云踦足也知分篇解云魚滿二千斤爲蛟而淮南王書又作二千五百斤至于音訓亦時時不同此蓋隨文生義或又各依先師舊訓爲解故錯出而不相害與

淮南鴻烈解詁二十一篇

存十三篇

明正統道藏本 武進莊達吉校刊本 會稽陶方琦疏證本

蘇魏公校正淮南子序云是書有後漢太尉祭酒許慎東郡濮陽令高誘二家之注隋唐目錄本別傳行今校崇文舊書與蜀川印本暨臣某家書凡七部竝題曰淮南子二注相參不復可辨惟集賢本前賢題云許標其首皆是閒詁鴻烈之下謂之記

上高題卷首皆謂之鴻烈解經解經之下高氏注每篇之下皆曰訓又多數篇爲上下以此爲異崇文總目亦如此云又謂高注更詳于許氏本書文句亦有小異臣某據文推次頗見端緒高注篇名皆有故曰因以題篇之語其間奇字竝載音讀許于篇下粗論大意互相考證去其重複共得高注十三篇許注十八篇余初讀淮南子頗怪原道倣真天文墜形時則覽冥精神本經主術汜論說山說林修務十三篇注何以詳且有音讀其餘八篇注何以略且無音讀截然如出兩手及讀蘇魏公集且細釋高氏序而千載之疑乃釋案原道倣真天文墜形時則覽冥精神本經主術汜論說山說林修務十三篇每篇名注皆有因以題篇四字注中載音讀如滑讀曰骨哥讀曰謳歌之類甚夥則此十三篇乃高注也想魏晉以後因高書不全遂以許書



補之猶范曄書無志以司馬彪補之也坊本均題許慎誤矣  
鴻烈音二卷

佚

案誘注十三篇內並載音讀疑卽鴻烈音散入注中

魏

盧毓九州人士論一卷

佚

毓事蹟詳先賢傳此書見隋志名家類舊唐志同

通古人論一卷

佚

見隋志名家類

晉

崔豹論語集義十卷

佚

敬齋古今艱云豹字正熊燕國人晉惠帝時官至太傅此書見

通志論語集解類

論語大義解十卷

佚

見同上

古今注三卷

存

所錄皆考證名物今與馬總書相混

盧欽小道

佚



欽事蹟詳先賢傳晉書本傳所著詩賦論難數十篇名曰小道  
隋志未著錄今魏志徐邈傳論徐邈曰徐公志高行潔才博氣  
猛其施之也高而不狷潔而不介博而守約猛而能寬聖人以  
清爲難而徐公之所易也或問欽徐公當武帝時人以爲通自  
在涼州及還京師人以爲介何也欽曰往者毛孝先崔季珪用  
事貴清素之士于時皆變易車服以求名高而徐公不改其常  
故人以爲通比來天下奢靡轉相倣效而徐公雅尙自若不與  
俗同故前日之通今日之介也是世人之無常而徐公有常也  
御覽二百四十五亦引之公羊序見春秋疏

盧浮相風賦

佚

浮事蹟詳先賢傳相風賦見御覽七十四

盧諶雜祭法六卷

隋志

存輯本

玉函山房本

諶事蹟詳先賢傳案隋書經籍志禮類注載其目已在亡書之  
列新唐書藝文志史部儀注類復以六卷著錄蓋唐時蒐羅得  
之也今藝文類聚北堂書鈔初學記御覽等書引之其記祭品  
以類詮次可與周官籩人醢人諸職參觀古今之變亦攷典禮  
者所宜會通也

莊子注

佚

隋志未著錄見晉書本傳

集十卷

隋志

舊唐志十卷

佚



今存感運賦見類聚三朝霞賦見御覽八百九登鄴臺賦見類聚六十二觀獵賦見書鈔一百五十八征艱賦見水經河水五注又洞過水注又淇水注又清漳水注菊花賦見類聚八十一又初學二十七朝華賦見類聚八十九又初學二鸚鵡賦見類聚九十一燕聚見類賦九十二蟋蟀賦見類聚九十七又御覽九百四十九理劉司空表見劉琨傳又類聚五十四與司空劉琨書見文選尚書武強侯盧府君誄見類聚四十八太尉劉公誄見類聚四十六

謚別傳

佚

見三國志注引

張華博物志十篇

晉書本傳隋志十卷新舊唐志十卷宋志十卷四庫全書總目十卷

存黃丕烈士禮居刊本周心如補遺二卷

華事蹟詳先賢傳此書大略撮取載籍所為故自來目錄皆入之雜家其體例之獨創者則隨所撮取之書分別部居不相雜廁如卷首括地象畢方繼以考靈耀是也以下雖不能條舉所出然列子山海經逸周書等皆顯然可驗今本強立門類割裂遷就遂使蕩析離居失其指趣致為巨謬矣王嘉拾遺記稱華好觀祕異圖緯之部摺采天下遺逸自書契之始考驗神怪及世閒閭里所說造博物志四百卷奏於武帝亦可為刺取羣書之證宋裴松之注三國志多引博物志而陳泰鍾會傳注又引博物志考其所引與志皆合梁劉昭注後漢志亦採博物志所云河東少有名入及麋峻事具見志中似為一書後魏酈道元注水經唐太子賢注後漢書李善注文選多述博物志未有稱



爲記者宋太平御覽摭拾羣書至一千六百餘種引博物志最詳亦無引博物記者宋周草牕稱博物記秦漢古書爲唐蒙所造茂先增改爲志又謂爲記未知何本案後漢郡國志魚泣津注塹鑿之迹今存昔唐蒙所造下接引博物記或草牕以此誤爲唐蒙所造耶楊慎丹鉛錄踵草牕之誤更無容辨浦江周心如刺郡國志御覽類聚等書所引出今本外者攜集二卷頗爲完備

雜記一卷

佚

隋志云梁有五卷

雜記十一卷

佚

隋志云與博物志相似小小不同疑是一書

感應類從志

存

舊題張華撰

列異傳三卷

佚

隋志未著錄見新唐志小說類

異物評一卷

佚

隋唐志未著錄見宋志地理類

神異經注一卷

存

龍威秘書本



隋志地理家神異經一卷東方朔撰張華注唐志未著錄  
師曠禽經注一卷

未見

隋志未著錄見宋志小說類世善堂書目尙有之

小象賦一卷

佚

隋志未著錄見宋志天文類案通志又有小象千字詩一卷

乾象錄一卷

佚

隋志未著錄見宋志天文類

三家星歌一卷

佚

隋志未著錄見宋志天文類

三鑑靈書三卷

佚

隋唐志未著錄見宋志五行類案此等疑皆偽託也

集十卷錄一卷

佚

唐志集二卷宋志集二卷又詩一卷已非唐舊今存廢楊太后

議報雷煥書見本傳承懷賦見類聚十八又書鈔一百五十六

歸田賦見類聚三十六朽社賦見類聚三十九又御覽五百三

十二感婚賦并序見類聚四十又初學十相風賦并序見類聚

六十八鷓鴣賦并序見文選又類聚九十二王公上壽酒食舉

樂哥詩表見宋書樂志一又通典一百四十一又隋書音樂志



晉文王謚議見類聚四十封禪議六奏見宋書禮志三移書太常薦成公綏見御覽六百三十二與褚陶書見世說賞譽篇注答某書見淳化閣帖二甲乙問見禮志中博物誌序見博物誌地理讚見博物志一大司農箴見類聚四十九又初學十二尙書令箴見初學十一又類聚四十八女史箴見文選又御覽一百三十五又類聚十五又初學十杖箴見書鈔一百三十三倚几銘見書鈔一百三十三又御覽七百十席前左端銘席前右端銘見書鈔一百三十三章懷皇后誄見類聚十五烈文先生鮑玄泰誄見類聚三十七魏劉驃騎誄見類聚四十八武帝哀策文見類聚十五縱橫篇見御覽四百六十四張溥本瓌材枕賦及箴爲張紘作豆羹賦爲張翰作皆誤編入

宋

業遵禮記注十二卷

伏志 經典釋文云遵字長孺燕人奉朝請

梁

張緬晉書鈔三十卷

伏

緬事蹟詳先賢傳案梁書張緬傳緬鈔晉書衆家異同爲晉鈔三十卷北齊書宋顯傳曰後魏時張緬晉書未入國史史通雜說曰臧氏晉書稱苻堅之僭號也雖疆宇狹於石虎至於人物則過之張勔勔字疑誤抄撮晉史不求異同而備揭此言不從沙汰

唐志卷同

後漢略二十五卷

隋志

續定府志二百七卷

古



佚

案梁書本傳云緬為後漢紀三十卷隋書作後漢略二十五卷入之雜史次張溫三史略之下袁宏張璠兩後漢紀則入古史體例迥殊今從隋志著錄唐志作後漢書略二十五卷編年類又有緬後漢略二十七卷自是重出太平御覽州郡部閬州古有隆城堅險因置隆州尋又立盤龍郡以郡中盤龍山為名此題後漢要略一作後魏魏字疑誤人事部馬騰扶風馬援後也長八尺餘身體洪大而性質厚人多敬之此題後漢典略皆不著張緬名集五卷

佚

隋唐志未著錄今存答釋法雲書難范禎神滅論見宏明集

鈔江左集

佚

梁書本傳云未成

張綰集十一卷

隋志 唐志十卷

佚

綰事蹟詳先賢傳案隋志十一卷蓋錄一卷別數今存龍樓寺

碑見類聚七十六

張纘鴻寶一百卷

梁書本傳 隋志十卷

佚

纘事蹟詳雜人傳梁書本傳云纘好學兄緬有書萬餘卷披讀不輟秘書郎有四員宋齊以來為甲族起家之選待次入補其居職例數十日便遷纘固求不徙欲遍觀閣內圖籍嘗執四庫書目曰若讀此畢南史列傳嘗作帝若作君疑誤可言優仕矣如此三載方遷



隋書雜家類鴻寶十卷不著撰人  
算經異義一卷

佚

見隋志歷數類

集二十卷隋志十一卷  
唐志十卷

佚

隋志十一卷唐志十卷宋志未著錄南征賦讓尙書僕射表均  
見本傳詔湘東王書見本傳又周書蕭答傳又河東王譽傳秋  
兩賦見類聚二離別賦并序見類聚三十又初學十八懷音賦  
并序見類聚三十一妬婦賦見類聚三十五瓜賦見類聚八十  
七擬若有人兮見類聚五十六讓吏部尙書表見類聚四十八  
又初學十一謝東宮賚園啟見類聚六十五謝皇太子賚果然

壽啟見類聚九十五與陸雲公叔襄兄晏子書見陸雲公傳丁  
貴嬪哀策文見高祖丁貴嬪傳故左氏尙書忠子沈憎旻墓誌  
銘見類聚四十八中書令蕭子顯墓誌銘見類聚二十八

魏

盧元韜珠秘訣一卷

佚

元事蹟詳先賢傳案此書隋志未著錄見宋兵書類

盧道將文筆數十篇

佚

道將事蹟詳先賢傳魏書附盧元傳云道將涉獵經史風氣蹇  
諤頗有文才爲一家後來之冠所爲文筆數十篇  
平恒略注百餘篇



佚

恒事蹟詳先賢傳魏書儒林傳恒耽勤讀誦多通博聞自周以降暨於魏世帝王傳代之由貴臣升降之緒皆撰錄品第商略是非號曰略注合百餘篇好事者覽之咸以為善焉

梁祚魏國統二十卷 隋志

佚

祚事蹟詳僑寓傳後魏書儒林傳梁祚撰并陳壽三國志名曰國統世說容止篇注初學記人部文部御覽兵部人事部四夷部共引梁祚魏國統十三事新唐志作魏書國紀書字誤增紀宜作統舊唐志作國紀脫魏字皆十卷入編年類迺志略作魏國紀誤認為後魏遂與盧彥卿後魏紀元行沖魏典並列  
代都賦 見魏書儒林傳

佚

見魏書儒林傳

高閭燕志十卷 隋志 新唐志十卷 舊唐志十卷無撰人名

佚

閭事蹟詳先賢傳志記馮跋事初學記居處部太平御覽天部兵部人事部引高閭燕志舊唐志編年類有燕志十卷無撰名  
集三十卷 隋志

佚

北史作四十卷魏書本傳閭文章富逸為顯祖所知命造鹿苑頌北伐碑顯祖善之文明太后重閭詔令書檄碑銘贊頌皆其文也胡叟傳閭作宣命賦叟為之序均亡惟諫討淮北表議斷祿表請築長城表應詔陳損益表諫應曹虎表論淮南不應留



成表至德頌并表均見本傳請使公孫崇韓顯宗參知音律表見律歷志請裁鄴中密后廟應罷應新表見禮志一對詔議禘見禮志一又通典五十六宗議五德議見禮志一既葬卽吉議見通典八十濟陰太守魏悅頌德碑并序見列女房氏傳  
盧道虔難喪服集記

佚

道虔事蹟詳雜人傳北史附盧元傳道虔好禮學難齊尙書王儉喪服集記七十餘條

盧元明嵩山記

佚

元明事蹟詳雜人傳隋志未著錄太平寰宇記河南道引盧元明嵩山記水經注禹貢山水釋地文選洛神賦注並引嵩高山

記不著撰名

史子新論

佚

魏書附盧元傳性好元理作史子新論數十篇

集十七卷

隋志 唐志六卷

佚

魏書本傳有幽居賦亡今存劇鼠賦見初學記二十七嵩高山廟記見隋書崔廓傳

陽氏譜

佚

無撰人名氏隋志未著錄水經鮑邛水注陽氏譜叙曰翁伯是周景王之孫食采陽樊春秋之末爰宅無終而易氏焉愛仁博



施天祚玉田按鄧名世古今姓氏書辨證云陽氏世居無終今  
薊州地陽裕陽尼皆其族也酈道元注已見是譜故次於水經  
注之前

酈道元水經注四十卷

隋志 新舊唐志四十卷 宋志四十卷 四庫總目四十卷

存

武英殿聚珍本 戴震校本 趙一清注釋本

道元事蹟詳先賢傳水經桑欽撰道元爲之注繁稱博引淵雅  
宏通雖于禹之故道不能一一追溯而漢晉以後原委畢悉尤  
詳于陂塘堤堰之屬固有用之書也所苦唐以後無完書据崇  
文總目則館閣所儲本亦祇三十五卷据元祐無名氏跋則蜀  
本且祇三十卷是以歐陽充公尙未見四十卷之著錄及何聖  
從本幸復其舊然已云篇帙不無小失而以太平寰宇記諸書  
校之則逸文之不見于今本者不下數百條趙一清云唐六典

桑欽水經所引天下之水百三十七江河在焉王應麟玉海云  
自河水至斤江水河漯汾澮洧洹文原洞晉湛濟清沁淇蕩洹漳  
易滄聖巨馬濕沽鮑邱濡遼貝洛穀甘漆滄沮渭漾丹汝潁洧  
潁澮陰反睢瓠子汶泗沂沭洋淄汶濰膠沔潛湍均粉白泚淮  
潢清潏濯瀕無湏溇蘄決泚泄肥施沮漳夏羌涪潼潞江青衣  
桓若沫延江沅酉存温淹葉榆夷油豐沅浪資漣湘灘漆匯深  
鍾耒洙漉瀏潁贛廬漸江斤江非經水常流在記注之限末卷  
載禹貢山水澤地所在凡六十深甯叟所記水經之目與今本  
不殊以原公爲原洞渦爲洞陰溝爲陰則其所省也以梓潼爲  
潼廬江爲廬舊本之脫耳以灑水爲濕水滄水爲沮水施水爲  
施水滙水爲滙水窺水爲深水皆誤文也經水凡百十六較唐  
六典少二十一篇證以本注及雜採他籍得滄潞沱派滋伊



澶澗洛豐涇汭渠獲洙滌日南弱黑十八水而灤下當有灤餘  
清濁漳大小遼原分爲二刪去無注無名之沅酉水合一百三  
十七水與唐六典數合也畢沅序云嘗疑唐宋諸人所引水經  
注不盡出于道元蓋郭璞三卷之著杜佑以爲疏略則必嘗親  
見之卽如李唐一朝陸禔旣會續水經李吉甫又嘗刪水經矣  
以是推之注水經者不止道元一人則諸書所引之水經注亦  
不必均據酈書以校其同異曾歷詢爲地理之學者頗以爲然  
道元之注足以補經史之闕趙一清之釋又足補道元之譌拾  
遺糾繆交推旁通是書至是始有定本矣

本志三篇

佚  
隋志未著錄見北史本傳

七聘

佚

隋書未著錄北史本傳又爲七聘及諸文皆行於世

酈惲代書

佚  
酈惲代書天出餘職字美藤而不萌奴野王隸公字信蓋本

惲事蹟詳先賢傳魏書本傳所作文章頗行於世撰慕容氏書

不成

陽尼字釋數十篇

佚

尼事蹟詳先賢傳魏書本傳家有書數千卷所造字釋數十篇

未就而卒隋志未著錄

陽承慶字統二十卷



存輯本 玉函山房輯佚書本

承慶事蹟詳先賢傳魏書陽尼附傳承慶撰字統二十卷隋志字統作二十一卷楊承慶撰陽誤楊多一卷者錄別數也馬國翰據玉篇廣韻一切經音義龍龕手鑑輯成一卷以為齊梁間人誤其說衍字云水朝宗于海故從水行窳字云懶人不能自起瓜瓠在地不能自立故字从瓜又懶人恒在室中故从穴便字云人有不善更之則安故从更从人規字云丈夫識用必合規矩故規從夫也銓解字義新而不詭於理王荊公字說藍本於此然不及其確當也

陽固集三卷 隋志新舊唐志三卷

佚

固事蹟詳先賢傳魏書陽尼附傳有南北二都賦稱恒代田漁

聲樂侈靡之事節以中京禮儀之式因以諷諫著演頤賦以明幽微通塞之事又作刺讒疾嬖幸詩均無可考今演頤賦上讜言表見本傳

盧觀廟制議

佚 未詳

觀事蹟詳先賢傳此書見隋書禮志

北齊

盧景裕周易注

佚

景裕事蹟詳先賢傳魏書儒林傳少聰敏專經為學居拒馬河將一老婢作食妻子不自隨從又避地大甯山不營世事居無所業惟在注解注周易尚書孝經論語禮記老子所注易大行



於時又好釋氏通其大義天竺胡沙門道愔每論諸經論軌託景裕爲之序隋志未著錄

尚書注

佚

隋志未著錄

禮記注

佚

隋志未著錄

孝經注

佚

隋志未著錄

老子注

佚

隋志道家老子道德經二卷盧景裕撰撰當作注新唐志道家

類盧景裕梁曠等注二卷

毛詩注

佚

本傳云未訖

春秋左氏注

佚

本傳云未訖

李廣集十卷

佚

廣事蹟詳先賢傳北齊書本傳廣博涉羣書以文章著曾薦畢



義雲於崔暹廣卒後義雲集其文筆十卷北史作七託魏收爲之序

盧宗道魏書音義一卷

佚

宗道事蹟詳鑒誠傳此書見宋史藝文志

盧詢祖集十卷

佚

詢祖事蹟詳先賢傳隋志未著錄今存築長城賦見北齊書盧文偉埒傳破蠕蠕賀表見北史盧觀埒傳

盧叔武平西策一卷

魏書作叔虔北史作叔彪

佚

叔武事蹟詳先賢傳北齊書本傳叔武勸討關西畫地陳兵勢曰我強彼弱我富彼貧其勢相懸然干戈不息不能并吞者此

失於不用強富也輕兵野戰勝負難必是胡騎之法非萬全之術也宜立重鎮於平陽與彼蒲州相對深溝高壘運糧積甲彼閉關不出則稍蠶食其河東之地日使窮蹙若彼出兵非十萬以上不足爲我敵所損糧食咸出關中我軍士年別一代穀食豐饒彼來求戰我則不應彼若退去我乘其弊自長安以西民疎城遠敵兵來往實自艱難與我相持農業且廢不過三年彼自破矣帝深納之又願自居平陽成此謀略帝命元文遙與叔武參謀撰平西策一卷隋志未著錄

盧懷仁中表實錄二十卷

佚

懷仁事蹟詳先賢傳此書見北齊書本傳蓋永元中表簿之類詩賦銘頌二萬餘言



佚

見北齊書本傳

陽休之韻略一卷

隋志 唐志一卷

存輯本 玉函山房本

馬國翰輯廣韻文選注一切經音義輯成一卷

辨嫌音一卷

佚

見新唐志

幽州人物志

詳紀錄順天事之書

古今人物記口卷

未見

見世善堂書目

聖壽堂御覽三百六十卷

隋志

佚

隋志無撰人名氏北齊書本傳武平三年與朝士撰聖壽堂御

覽玉海云陽休之取芳林編略加十六國春秋六經拾遺錄魏

史為玄洲苑御覽後改為聖壽堂祖珽等又改為修文殿上之

陳振孫書錄云聖壽者齊後主所居

集三十卷

新書志三十卷

舊書志二十卷

佚

隋志未著錄唐志有之今存陶潛集序錄見宋本陶集

陽俊之文集十卷

佚

隋志未著錄案北史休之子俊之位兼通直常侍聘陳副尚書



郎當文襄時多作六言歌辭淫蕩而拙世俗流傳名爲陽五伴  
侶寫而賣之在市不絕俊之嘗過市取而改之言其字誤賣書  
者曰陽五古之賢人作此伴侶君何所知輕敢議論俊之大喜  
後待詔文林館自言有文集十卷家兄亦不知吾是才士也  
陽昭集十卷

佚

昭事蹟詳先賢傳此集隋志未著錄見北史附傳

北周

盧柔詩頌碑銘檄表啓數十篇

佚

柔事蹟詳先賢傳周書薛寘傳云柔學業優深文藻華贍所作  
詩頌碑銘檄表啓行於世者數十篇見周書列傳

盧辯大戴禮注

存 雅兩堂本

隋志未著錄注中亦未題姓名朱子引明堂之說二九四七五  
三六一八鄭注白法龜文以注爲康成作惟王伯厚指爲辯注  
按注中引康成譙周孫炎宋均王肅范甯郭象及楊孚異物志  
皆魏晉儒者之言其爲辯注甚明

墳典三十卷

佚

見隋志周書本傳云辯依周禮建六官置公卿大夫士并撰次  
朝儀車服器用多依古禮革漢魏之法事並施行今存爲安定  
公告諭公卿見梅氏文紀

稱謂五卷



佚

見隋志

祀典五卷

佚

隋志未著錄見新唐書藝文志

盧光道德經章句

佚

光事蹟詳先賢傳周書列傳光性崇佛道又好元言撰道德經章句行於世

隋

盧思道西征記

佚

思道事蹟詳先賢傳太平寰宇記河北道引盧思道西征記隋志未著錄

知已傳一卷 隋志 唐志一卷

未見

胡應麟甲乙剩言曰余從都下得隋盧思道知已傳二卷上自伊尹下至六代由君相父子妻子友朋以及鬼神禽畜涉於知己者皆錄第諸葛孔明與先主最相知以為有君自取之一語為大不知已不錄蓋有激乎其言之也按此則是書明時尚存宋史志不錄

集三十卷 隋志 荃孫按北史二十卷 新書志二十卷

佚

案隋書本傳文宣帝崩當朝文士各作挽歌十首擇其善者用



之魏收陽休之祖孝徵等不過得三首唯思道獨得八首故時人稱爲八米米應作采盧郎今案孤鴻賦奏大理未可除均見本傳勞生論見本傳又英華七百五十八納涼賦見初學三在齊爲百官賀甘露表見初學二爲隋檄陳文見英華六百四十六爲高僕射與司馬消難書見英華六百八十三北齊興亡論見英華七百五十一後周興亡論見英華七百八十一從駕大慈照寺詩序見廣弘明集三十下盧記室誄見英華八百四十二祭灤湖文見初學七遼陽山寺願文見廣弘明集二十八上

盧彥卿後魏紀二十卷

佚

彥卿事蹟詳先賢傳此書隋志未著錄新唐志作三十三卷

榮建緒齊紀三十卷

佚

建緒事蹟詳先賢傳榮毗傳案此書隋志不著錄唐志編年類有北齊紀二十卷無撰名列王邵北齊志之前疑卽其書惟卷數不符攷杜臺卿傳亦言著齊紀二十卷章宗源隋書經籍志攷證以唐志所列爲臺卿撰雖卷數相符然究未詳孰是也

盧賁樂書

佚

賁事蹟詳鑿戒傳通典云賁撰著樂書爲當時所用隋書本傳賁以古樂宮懸七八損益不同歷代通儒議無定準於是上表曰般人以上通用五音周武克殷得鶉火天駟之應其音用七漢興加應鍾故十六枚而在一簋鄭元注周禮二八十六簋此則七八之義其來遠矣然世有沿革用捨不同至周武帝復改



懸七以林鍾爲宮夫樂者治之本移風易俗所以動天地感鬼神情發於中治亂斯應周武以林鍾爲宮蓋將亡之徵也且林鍾之管卽黃鍾下生之義黃鍾君也而生於臣明爲王家九五之應又陰者臣也而居君位更顯國家登極之祥斯實冥數相符非關人事臣聞五帝不相沿樂三王不相襲禮此蓋隨時改制而不失雅正者也上竟從之卽改七懸八以黃鍾爲宮詔與儀同楊慶和刪定周齊音律

唐

盧照鄰幽憂子三卷

卷數據全唐詩小傳

照鄰事蹟詳先賢傳唐志未著錄案朝野僉載照鄰著幽憂子在文集之外晁公武讀書志列盧照鄰幽憂子集謂幽憂子乃

照鄰之自號合集爲一恐誤

集二十卷

唐志宋志十卷四庫總目七卷項刻四傑集本

存七卷

舊書文苑傳文集二十卷志同宋志十卷今存七卷則其散佚者已多又窮魚賦序稱嘗思報德故冠之篇首則照鄰自編之集當以是賦爲第一而此本列秋霖馴鳶二賦後其與在朝諸賢書亦非完本知由後人掇拾而成非其舊帙矣

盧藏用春秋後語十卷

佚

藏用事蹟詳雜人傳此書見新書志春秋類

子書要略一卷

佚



見新書志雜家類

老子注二卷

佚

見新書志道家類

注莊子內外篇十二卷

佚

見新書志道家類

集二十卷

佚

舊書本傳作二十卷志同宋志未著錄今存為姚大夫請致仕

歸侍表諫營興泰宮疏答毛傑書右拾遺陳子昂文集序衡嶽

十八高僧序析滯論弔紀信文紀信碑紀信碑陰景星寺碑銘

太子少傅蘇瓌神道碑陳子昂別傳祭拾遺陳公文見全唐文  
二百三十八

張懷瓘書祖一卷

佚

懷瓘事蹟詳先賢傳此書見宋史藝文志矣

書法藥石論一卷

佚

見同上

六體論一卷

佚

見同上

書斷三卷



存三卷

所錄皆古今書體及能書人名上卷列古文大篆籀文小篆八分隸書章草行書飛白草書十體各述其源流系之以贊末為總論一篇中卷下卷分神妙能三品每品各以體分凡神品二十五人除各體重復得十二人妙品九十八人除各體重復得三十九人能品一百七人除各體重復得三十五人前列姓名後為小傳傳中附錄又三十八人其紀述頗詳評論亦允張彥遠法書要錄全載其文蓋當代以為精鑒矣

評書藥石論一卷

見宋史藝文志

平貞育孝經義

佚十卷

唐志孝經類云卷七

河南巡察記十卷

佚十卷

唐志未著錄見張說平君神道碑

養德傳一篇

佚十卷

見唐志雜傳記類云卷七

涪孝傳一篇

佚

唐志未著錄見神道碑

友悌傳



佚

唐志未著錄見神道碑

先君親友傳十卷

佚

唐志未著錄見神道碑

家譜十卷

佚

唐志未著錄見神道碑

家誌十卷

佚

唐志未著錄見神道碑

集十卷

佚

唐志未著錄見神道碑百一十二大圖一十二小圖一十八

鮮于向坤樞十卷

佚

向漁陽人字仲通以字行以鄉貢進士仕至京兆尹此書見顏

真卿鮮于公神道碑銘

文集十卷

佚

見同上

盧鴻嵩嶽記一卷

佚

鴻事蹟詳先賢傳此書見宋志地理類寰宇記三引盧氏嵩山



記乃盧元明撰非此書

華山記一卷

佚

見宋志地理類御覽四十九寰宇記二十九引之

衡山記一卷

佚

見宋志地理類

峨眉山記一卷

佚

見宋志地理類王象之輿地紀勝一百四十六引本山記云其山周匝千里有石龕一百一十二大河一十二小洞一十八南北有臺五六寺一觀卽此書

詩一卷

存 全唐詩本

唐志不著錄今全唐詩中得詩十首爲一卷

帥夜光三玄異義三十卷 和

佚

見新志道家類注夜光幽州人開元二十年上授校書郎直國

子監

楊氏天寶回文詩

佚

書影范陽盧氏母楊氏撰天寶迴文詩凡八百十二字循環無

端若寒暑之遞遷應變無方謂陰陽之不測

盧重元列子注八卷

四庫未收書目八卷



存 秦恩復刊本

案宰相世系表范陽人官司勳郎中為思道元孫是編唐宋藝文志皆未著錄鄭樵通志焦竑經籍志始見其目此則從道藏中和光散人高守元冲虛至德真經四解之內錄出發刊依張湛注分卷足以羽翼湛注即所徵引各籍亦多與古本相同惟楊朱一篇注佚其半惜無別本可補耳

夢書四卷

佚

見新志小說類注開元時人

盧綸集十卷

唐志 宋志一卷

存

綸事蹟詳先賢傳新唐書本傳憲宗詔中書舍人張仲素訪集

遺文遣中人悉索家笥得詩五百篇新書志十卷晁公武讀書

志僅存一卷散失已久今全唐詩編五卷

盧景亮三足記

佚

景亮事蹟詳先賢傳新書本傳云景亮善屬文根於忠仁有經國志嘗謂人君足食足兵而又得士天下可為也乃與軒頊以來至唐剗治道之要著上下篇號三足記又作答問言輓運大較及陳西戎利害指切當世公卿伏其達古今云

盧宏宣家祭儀

佚

宏宣事蹟詳先賢傳新書本傳宏宣患士庶人家祭無定儀乃合十二家法損益其當次以為書



盧宏正昭義軍別錄一卷

佚

宏正事蹟詳先賢傳此書唐志未著錄見宋志小說類

張南史詩一卷 唐志

存

案南史字季直幽州人好奕棊其後折節讀書遂入詩境以試  
參軍避亂居揚州再召未赴而卒詩一卷

盧仝集一卷 唐志 宋志一卷

存 席氏百家詩本 全唐詩本

新書志別集類玉川子詩一卷案晁公武讀書志云仝范陽人  
隱少室山號玉川子徵諫議不起唐史稱韓愈為河南令愛其  
詩厚禮之嘗作月蝕詩以譏元和逆黨愈稱其工案其詩云元

和庚寅蓋五年也憲宗遇弒在十五年後十歲也豈追託庚寅  
歲事為詩乎不然則史誣也後死于甘露之禍今全唐詩編成

三卷

嘯旨一卷

佚

見通志藝文略云玉川子作

賈島長江集十卷 唐志 宋志一卷

存

島事蹟詳先賢傳案晁公武讀書志唐賈島浪仙詩共三百七  
十九首今存四卷三百七十八首僅佚其一蓋猶舊本唐音統  
簽載島送無可上人詩獨行潭底影數息樹邊身二句之下自  
注一絕云二句三年得一吟雙淚流知音如不賞歸臥故山秋



晁氏其併此數之下爲三百七十九耶音岐不賞謂用山  
小集三卷

佚

見唐志別集類案宋志云賈島小集八卷又賈島詩一卷多寡  
不侔疑有誤

僧無可集一卷

存 全唐詩分二卷

無可范陽人姓賈氏島從弟居天仙寺詩名亦與島齊集一卷  
今全唐詩編爲二卷

慕容宗本五經類語十卷

佚

見新唐志經解類注宗本字泰初幽州人大中時

劉蕡策一卷 新書志

存

蕡事蹟詳先賢傳案唐撫言太和二年裴休等二十三人登制  
科時劉蕡對策萬餘字深究治亂之本又多引春秋大義雖公  
孫弘董仲舒不能肩也自休已下靡不斂衽然亦指斥貴幸不  
顧忌諱有司知而不取時登科人李邵詣闕進疏請以己之所  
得易劉之所失疏奏留中蕡期月之間屈聲播於天下不以文  
盧求成都記五卷

佚

案宰相世系表求范陽別族西川節度使白敏中從事成都記  
序云大中六年四月詔以丞相太原公有驅制羌戎之成績由  
邠甯節度拜司徒同平章事鎮蜀蜀爲輿壤領州十四縣七十



一戶百萬兵士五萬外疆接兩蕃人性勁勇易化以道難誣以智公至以儉約帥之以謹廉不伐臨之以刑賞法制平治之人歡且舞旦夕詠公之德矣先是西蜀圖經甚備朝野之士多寄一書寫錄主茲務者不勝其煩遂盡削而潛焚之長吏至卽據顯者集爲一軸以獻繇是百不書一大中八年戶曹參軍蔣宏宗甚好學且日覲司徒相國之異績願付以傳示于後然不以文自任翦截疎長蕪言不略相國乃屬于小子令刊益之且曰不以淹徐疾速歸於流布以爲不朽之事求受命震怖又不欲以圖經爲目乃搜訪編簡自爲成都記五卷經與圖之附益願終宏宗之職庶以此爲助也宋王象之輿地碑記不載是書其佚已矣

襄陽故事十卷

佚

見宋志地理類

湘中記一卷

佚

見宋志地理類御覽引湘中記乃羅含傳非此書

金剛經報應記三卷

佚

見宋史釋道類

盧獻卿愍征賦一卷

佚

見新書志別集類案孟棗本事詩范陽盧獻卿大中中舉進士詞藻爲同流所推作愍征賦數千言時人以爲庾子山哀江南



之亞諫議大夫司空圖爲之注  
僧利正長慶人事軍律三卷

佚

見新志兵書類僧燕人

盧若虛南宮故事三十卷

佚

若虛事蹟詳先賢傳此書見新志故事類宋志未著錄

盧光啓初舉子一卷

唐志 宋志一卷

佚

光啓范陽人此書見唐志小說類

盧鋌武成王廟十哲讚一卷

佚

見新志別集類案宰相世系表鋌尙之後范陽人

李景略南燕梁翰二十卷

佚

景略事蹟詳先賢傳案此書唐志未著錄見宋志別集類

高駉性箴金液頌一卷

未見

駉事蹟詳鑒誠傳見宋志神仙家類

集三卷

宋志

佚

唐志未著錄見宋志別集類與詩分列今全唐文中存請築羅城表築羅城成表請開本州海路表請勒迴長武鄜州河東兵士赴劍南奏回雲南牒五篇



詩一卷 唐志 宋志一卷

存

今全唐詩中尚編一卷然非宋志之舊

張直方打毬儀一卷

佚

直方事蹟詳鑿誠傳此書唐志未著錄見宋志儀注類

盧僎家範一卷

佚

盧僎見唐宰相世系表此書唐志未著錄見宋志儀注類

盧播侯真人傳一卷

未見

播見唐宰相世系表此書見宋志神仙家類

盧臧范陽家志一卷

佚

唐志未著錄亦不著何時人然盧氏家世范陽臧必其族人也

邊洞元升天記一卷

未見

洞元事蹟詳釋道傳此書見通志藝文略

後唐

趙鳳唐懿祖紀年錄一卷 宋志

佚

鳳事蹟詳先賢傳案五代會要四年七月監修國史趙鳳奏奉

勅修懿祖獻祖太祖莊宗四帝實錄自今年六月一日起手旋

具進呈伏以凡關纂述務合品題承乾御宇之君行事方云實



錄追尊冊號之帝約文祇可紀年所修前件史書今欲自莊宗一朝名爲實錄其太祖以上竝自爲紀年錄從之見宋志編年類

唐獻祖紀年錄一卷 宋志

佚

見上又宋志編年錄

唐太祖紀年錄

佚

見上宋志未著錄無卷數可考

唐莊宗實錄三十卷

佚

見上又宋志編年類

周

扈載集十卷

佚

載事蹟詳先賢傳載文章以辭多自喜常次歷代有國廢興治

亂之迹爲運源賦甚詳又因遊相國寺見庭竹可愛作碧鮮賦

題其壁 兩賦亦亡 宋志未著錄今全唐文存景範墓志銘一篇

南唐

高越舍利塔記一卷

佚

越事蹟詳先賢傳案吳任臣十國春秋注云越好釋氏著有舍

利塔記一卷

高遠南唐烈祖實錄二十卷

世善堂書目作三十卷



佚

遠事蹟詳先賢傳此書見宋志編年類陸游南唐書本傳云遠自保大中預史事始撰烈祖實錄二十卷

吳錄二十卷

佚

見宋志霸史類案陸游南唐書遠傳云與徐鉉喬匡舜潘佑共成吳錄二十卷

元宗實錄十卷

佚

案唐餘紀傳云編輯昇元以來故事為一家之言

潘佑榮陽集二十卷

佚

佑事蹟詳先賢傳佑集見宋志今全唐文存上後主疏為李後

主與南漢後主兩書贈別四篇

後蜀

盧延讓詩集一卷 宋志

存

延讓事蹟詳雜人傳案北夢瑣言云唐盧延讓業詩二十五舉方登一第卷中有句云狐衝官道過狗觸店門開租庸張濬親見此事每稱賞之又有餓貓臨鼠穴饒犬舐魚砧之句為成中令納見賞又有栗爆燒毬破貓跳觸鼎翻句為王先王建所賞盧謂人曰平生投謁公卿不意得力於貓兒狗子也今全唐詩存一卷

武進屠 寄校



藝文志三

光緒順天府志一百二十四

順天人著述二

江陰繆荃孫纂

宋

趙普藝祖受禪錄一卷

存

普事蹟詳先賢傳舊本題宋趙普曹彬同撰記太祖初生及幼時事特詳末云先是晉天福中兩浙兒童聚戲率以趙字為語助如得曰趙得可曰趙可云云亦侈陳符瑞之故智帝王受命自有本原豈以小兆為驗耶

龍飛記一卷

存

是書作於建隆元年記太祖受禪事普時為樞密學士蓋太祖



卽位之初也然普既有受禪錄何以又爲此書疑與受禪錄皆後人所依託以普及曹彬爲文武佐命各假借其名耳奏議一卷

佚

見宋史藝文志別集類

趙韓王集三卷

未見

世善堂書目有之書錄解題韓王開國功臣不以文著而彗星班師二疏天下至今稱頌

別傳一卷

佚

見宋藝文志傳記類不知何人所撰

寶儀重詳定刑統三十卷編敕四卷

未見

儀事蹟詳先賢傳按玉海云儀言周刑統科條繁浩或有未明請別加詳定凡削出令式宣敕一百九條增入制敕十五條又錄律內餘條准此者凡四十四條附於各例之次並目錄成三十卷取舊削去格令宣敕及後來續降者凡一百六十條爲編敕四卷通志藝文略作開寶刑統三十卷宋朝建隆編敕四卷亦見世善堂書目

端揆集四十五卷

佚

見宋藝文志

寶儼周正樂一百二十卷



佚

儼事蹟詳先賢傳按宋史本傳周世宗詔儼考正雅樂儼校鐘磬筦籥之數辨清濁上下之節復舉律呂旋相為宮之法迄今遵用翰苑羣書云世宗顯德五年冬將立歲仗前一日親至於樂懸之下問雅音於工師皆不能答因令儼知太常卿事與樞使王朴同詳定之乃用古累黍之法以審其度造成律准其形如琴而巨凡十三弦以定六律六呂旋相為宮之義世宗善之是書蓋當時所作宋藝文志作大周正樂八十八卷卷數不同義訓十卷

佚

見宋史藝文志小學類

集七十卷

佚

見宋史本傳

東漢文類三十卷

佚

見宋史藝文志總集類

趙上交集二十卷

佚

上交事蹟詳先賢傳宋史本傳云有集二十卷張昭為序

扈蒙六家謚法一卷

佚

蒙事蹟詳先賢傳此書見文獻通考

周世宗實錄四十卷



佚

見書錄解題

周恭帝日麻三卷

佚

見通志藝文略編年類

鼇山集二十卷

佚

按宋史本傳蒙開寶中與李穆等同修五代史詳定古今本草自張昭竇儀後典章儀望皆所刊定玉壺清話云乾德九年正月乾元殿受降王朝蒙參定其議有李朴請誅之制甚繁具本文蒙繼上聖功頌次年將東封又進御劄草上愛之批於紙尾獎之云聖功頌及此文無一字可議

劉載文集

佚

載事蹟詳先賢傳宋史列傳稱其好學博通史傳善屬文嘗受詔撰明憲皇后諡冊文又作弔戰國賦萬餘言嘗著五論曰為君為相為將去讒訥諫頗為文士所稱大中祥符四年其孫介以文集獻

趙曦集十卷

佚

曦事蹟詳先賢傳宋史本傳云有集十卷太宗嘗取以入內

趙良嗣集

佚

良嗣事蹟詳鑒誠傳按程史云余讀北遼遺事見趙良嗣見王



環使金適攻遼上京城破有詩云建國舊碑明月暗與王故土  
野風乾回頭笑謂王公子騎馬隨軍上五鸞其詩中所稱五鸞  
上京殿名阿保機故巢即會甯乃契丹所謂西樓者實耶律氏之咸鎬豐  
沛良嗣世仕其國身踐其朝貴爲列卿一旦決去視宗國顛覆  
殊無禾黍之悲反吟咏以志喜良可慨也縱有名篇亦不足錄  
况僅爾爾耶故良嗣自所爲集凡數十卷時人皆唾去不視蕩  
燬無收拾者

竇漢卿瘡瘍經驗全書十三卷

未見

卷首署燕山竇漢卿以瘍醫行於宋慶厯祥符間曾治太子疾  
愈封爲太師所著有竇太師全書宋史藝文志不載僅有竇太  
師子午流注一卷亦不詳竇爲何名一人二人無從攷證

遼

耶律儼皇朝實錄七十卷

佚

儼事蹟詳雜人傳修實錄事載遼史錢大昕元史藝文志載其  
結銜爲樞密院直學士攷本傳壽隆初爲是官以母憂去尋召  
復舊職六年遷知樞密院事實錄當修於是時上遼史表云耶  
律儼語多避忌陳大任辭乏精詳今閩考朔考中謂其以大明  
法追正乙未月朔與陳大任紀時多牴牾蓋遼史取裁於是錄  
及大任書也世善堂書目存四册

室昉統和實錄二十卷

佚

昉事蹟詳先賢傳按統和爲遼聖宗年號實錄進於統和四年



明史紀事本末卷之五十五  
五  
昉時爲北府宰相同撰有翰林學士邢抱朴等見千頃堂書目  
按金門詔補三史藝文志載室昉尙書無逸篇一卷此進書規  
諫非昉自撰今不錄

馬得臣唐三紀行事

佚

得臣事蹟詳先賢傳金補三史藝文志云聖宗時馬得臣錄唐  
高祖太宗元宗三紀行事可法者以進

得臣詩

佚

見金補三史藝文志詩集類按遼史本傳稱其好學博古善屬  
文尤長於詩

楊哲詩

佚

哲事蹟詳先賢傳亦見金補三史藝文志詩集類按遼史本傳  
云幼通五經大義聖宗聞其穎悟召試詩

楊佖登瀛集五卷

佚

佖事蹟詳先賢傳按遼史本傳云遷翰林學士文章號得體宋  
遣梅詢賀千秋節詔佖迎送多唱酬詢每見稱賞是集見本傳  
宋藝文志

王鼎焚椒錄一卷

存

鼎事蹟詳先賢傳是書紀道宗懿德皇后蕭氏爲宮婢單登構  
陷事前有大安五年自序稱待罪可敦城蓋謫居鎮州時也王



士禎居易錄曰契丹國志后妃傳道宗蕭皇后本傳云性恬寡  
欲魯王宗元之亂道宗同獵未知音耗后勒兵鎮帖中外甚有  
聲稱崩葬祖州云云而已焚椒錄所紀絕無一字及之又錄稱  
后爲南院樞密使惠之少女而志云贈同平章事顯烈之女志  
云勒兵似嫻武略而錄言幼能誦詩旁及經子所載射虎應制  
諸詩及回心院詞皆極工而無一語及武事且本紀道宗在位  
四十七年改元者三清甯咸雍壽昌初無太康之號而耶律乙  
辛密奏太康元年十月云云皆牴牾不合按遼史道宗紀宣懿  
皇后傳均與焚椒錄所紀同蓋契丹志之疎耳遼人書禁甚嚴  
傳至中國者法皆死是書事涉宮闈在當日益不敢宣布宋人  
自無由而知士禎又言道宗無改元太康之號考之遼史道宗  
清甯十年咸雍十年太康十年大安十年壽隆六年

國志作壽昌與石刻

合此則遼史之誤宣懿之死在太康二年並無牴牾契丹國志不載太  
康太安以咸雍爲三十年士禎僅閱國志未繙遼史便疑此書  
亦可謂失於目睫矣

王鼎詩

佚

見金補三史藝文志詩集類

僧行均龍龕手鑑四卷

存 張丹鳴刊本

行均字廣濟俗姓于氏晁公武讀書志謂此書卷首僧智光序  
題云統和十五年丁酉七月一日沈括夢溪筆談乃謂熙甯中  
有人自契丹得此書入傳欽之家蒲傳正取以刻版其序未舊  
云重熙二年五月序蒲公削去之云云今案此書卷首智光原



序尙存其紀年實作統和不作重熙與晁公武所說相合知沈括誤記又文獻通考載此書三卷而此本實作四卷智光原序亦稱四卷則通考所載顯然誤四爲三殆皆隔越封疆傳聞紀載故不免失實歟其書凡部首之字以平上去入爲序各部之字復用四聲列之後南宋李燾作說文五音韻譜實用其例而小變之每字之下必詳例正俗今古及或作諸體則又行均因唐顏元孫千祿字書之例而小變之者也所錄凡二萬六千四百三十餘字註一十六萬三千一百七十餘字并註總一十八萬九千六百一十餘字於說文玉篇之外多所搜輯雖行均尊其本教每引中阿含經賢愚經中諸字以補六書所未備然不專以釋典爲主沈括謂其集備書中字爲切韻訓詁殊屬不然不知括何以云爾也括又謂契丹書禁至嚴傳入別國者法皆

死故有遼一代之遺編諸家著錄者頗罕此書雖頗參俗體亦間有舛譌然吉光片羽幸而得存固小學家所宜寶貴也通志以爲智光作蓋誤以作序之人爲撰書之人

貞照非濁往生集二十卷

佚

貞照事蹟詳釋道傳是書見奉福寺萬勝陀羅尼石幢記

劉海蟾還金丹篇一卷

存

海蟾事蹟詳釋道傳此書見道藏目錄

海蟾詩集一卷

佚

見通志藝文略宋藝文志



金

韓昉集金源郡王完顏勛諫表

佚

昉事蹟詳先賢傳此書見金補三史藝文志

張斛南游詩北歸詩

佚

斛字德容漁陽人仕宋為武陵守金索北歸官秘書省著作郎  
今全金詩存共十八首

韓玉元勳傳十卷

未見

玉事蹟詳先賢傳是傳為玉應詔而作金史本傳章宗歎曰勳  
臣何幸得此家作傳耶見世善堂書目

應制集

佚

見金補三史藝文志別集類

東浦詞一卷

佚

見金補三史藝文志詞曲類

呂貞幹碣石志

佚

貞幹事蹟詳先賢傳按中州集云貞幹酷嗜書籍著碣石志數  
十萬言皆近代以來事蹟幽隱譎怪詼諧嘲評無所不有

劉中文集

佚



中事蹟詳先賢傳此集見金門詔盧文弼錢大昕補三史藝文志別集類按中州集中詩清便可喜賦得楚辭句法尤長于古文典雅雄放有韓柳氣象

王鬱王子小傳

存

鬱事蹟詳先賢傳此傳載歸潛志中

王鬱集

佚

見金補三史藝文志詩集類今中州集存鬱詩一十三首

耶律履乙未元麻

佚

履字履道東丹王七世孫楚材之父謚文獻見錢大昕元史藝

文志

文獻集十五卷

佚

見盧文弼補遼金元藝文志

元

耶律楚材皇極經世義

未見

楚材事蹟詳先賢傳是書見朱彝尊經義考擬經四

西游錄

未見

見錢大昕元史藝文志地理類蓋庚午從太祖西征時所記

西征庚午元麻二卷



未見

按元史麻志元初承用金大明麻庚辰歲太祖西征五月望日蝕不效二月五月朔微月見於西南中書令耶律楚材以大明麻後天乃損節氣之分減周天之秒去交終之率治月轉之餘課兩曜之後先調五行之出沒以正大明麻之失且以中元庚午歲國兵南伐而天下略定推上元庚子歲天正十一月壬戌朔子正冬至日月合璧五星聯珠同會虛宿六度以應太祖受命之符又以西域中原地理殊遠創爲里差以增損之雖東西萬里不復差忒遂題其名曰西征庚午元麻表上之然不果頒用按勿庵攷云據史元太祖以己卯親征西域諸國次年庚辰夏五月駐蹕也石的石河有西域人與耶律文正王爭月蝕而西說竝詘故耶律作麻託始是年也又以太祖庚午始絕金次

年伐之不五年天下略定故推演上元庚午冬至朔旦七曜齊

元爲受命之符謂之西征庚午元麻西征者謂太祖庚辰也庚

午元者上元起算之端也今歷志訛太祖庚辰爲太宗則太宗

無庚辰也太宗在位共十有三年起己丑畢辛丑又訛上元爲庚子則於積年不

合也據演紀積年二千二十七萬五千二百七十算外得庚辰則起算必庚午故特攷而正之後董

祐誠五十三家歷術亦衍其說

麻荅把麻

未見

見金門詔三史藝文志天文類按楚材依回鶻麻撰

五星秘語一卷

佚

見錢大昕元史藝文志五行類



先知大數一卷

佚

見同上

辨邪論

未見

見錢大昕元史藝文志釋道類

湛然居士文集三十五卷

未見

千頃堂書目云缺七卷至十二卷又缺二十二卷二十三卷

又十四卷

存鈔本

中書都事宗仲亨輯是集載詩為多惟卷八卷十三卷十四稍

以書序碑記錯雜其中編次殊無體例王士禎池北偶談摘錄其贈李郡王筆寄平陽潤老和陳秀玉韻贈富察元帥河中遊西園壬午元日諸詩以為頗有風味雖時時出入內典而大旨必歸於風教儒者之詩故不墮於禪悅也

郝經周易外傳八十卷

佚

經事蹟詳僑寓傳按是書為經羈管真州時所作自孔子以來諸家注釋覈其至精去其重複義理象數兼采鉅細不遺積成八十卷謂之外傳者以孔子為經作傳後人著作皆傳外之傳也示不敢同於聖人之作

太極傳一卷

存



見朱彝尊經義考易類

太極演二十卷

佚

經自序有云嘗聞之師讀易者當先讀繫辭其次說卦序卦雜卦其次讀乾坤二卦既精且熟然後讀屯蒙諸卦此學易之序也蓋意言象數之本皆在於是矣故取太極一章以爲學易之標準類繫辭文言說卦象象之名義探諸太極之前而演其隱微諸太極之後而演其顯問津洙泗以及河洛遍參諸儒庶幾數年之後可以學易觀道易神之髣髴不失吾身之極焉故取道易神等二十三條爲一類合爲一圖以示其序而各爲之說謂爲易道蘊極演諸太極之前者也其次取太極等六條爲一類合爲一圖以示其序而各爲之說謂爲易有太極所以演太

極也其次取易書詩春秋論語大學中庸孟子名義

皇極

等凡二十四條爲一類合爲一圖以示其序而各爲之說謂爲人道建極合隱顯而立極成易也其次分易爲四爲伏羲易文王易周公易孔子易合爲四聖易圖以示其序而各爲之說爲之圖演太極之後所以成易者也其次爲孔門言易諸儒擬易傳注疏釋等類以爲易之支流餘裔見太極爲易之用太極而無極神而明之存乎其人焉爾矣凡十類六十篇總謂之太極演云

春秋外傳八十一卷

佚

經在真州弟子荀宗道以書狀官從行甲子春宗道請傳春秋之學且志其說而無書以爲據乃以故所記憶者爲春秋外傳



以授宗道謂之外傳者自三傳之外而為是不敢自同於三傳也。以春秋正經多不同，乃為論次作章句音義八卷，求聖人之意者必探其本以為綱，乃制作本原三十一篇，十卷春秋一書，義在於事必比事而觀其義可見，乃為比類條目一百三十三篇，十二卷。三傳之說不同，故聖經之旨不一，乃為三傳折衷俾經之大義定於一。凡五十卷，卷首又著三傳序論，列國序論一卷，共八十一卷。制作本原三傳折衷各有自序。

通鑑書法

佚

見錢大昕補元藝文志編年類。盧摯曰：公既處幽，所以立言載道為務。撰續後漢書、春秋外傳、易外傳、太極演原、古錄通鑑書法、玉衡貞觀刪三子、一王雅行人志各數十卷。

行人志

佚

見錢大昕補元藝文志地理類

玉衡貞觀十二卷

佚

見錢大昕元史藝文志天文類

變異事應

佚

見同上

續後漢書九十卷

存 宜稼堂叢書本

經是書亦拘於真州時所作，其書乃取陳壽三國志別加刪訂。



以昭烈上紹漢統升爲本紀黜吳魏皆爲列傳三國之臣則以漢魏吳別之又別爲儒學文藝行人義士高士死國死虐技術狂士叛臣篡臣取漢平吳列女四夷諸傳又以壽書無志作八錄以補其闕各冠以序而終以義贊原目九十卷中間各分子卷實一百三十卷自朱子修綱目始以蜀爲正統蕭常復本其意作續後漢書經當時未見常書乃能獨伸大義勒成一編盡祛陳壽以來帝魏寇蜀之謬識見可謂醇正其間持議亦頗有可取然漢晉諸臣以行事間涉三國而收入列傳者不一而足又八錄之中往往雜採史記前後漢書晉書之文亦皆失於限斷揆諸義例均屬未安然經敦尙氣節學有本原故所論說多有裨於世教且經以行人被執困苦艱辛不肖少屈其志故於氣節之士低徊往復致意尤深讀其書者可以想見其爲人又

非蕭常謝陞諸家徒推衍紫陽緒論者比也經所撰尙有陵川集元延祐戊午與是書皆官爲刊行迨明之中葉陵川集僅存而是書傳本遂絕今本於永樂大典錄出缺年表一卷刑法錄一卷餘序文議贊亦稍有闕失而彙次排比復成完書經亦可以無憾矣

陵川文集三十九卷附錄一卷 一作文忠集

存 乾隆戊午王氏刊本

經深於經術其文雅健雄深無宋末膚廓之習其詩亦神思深秀天骨挺拔與其師元好問可以雁行不但以忠義著也延祐五年經門人集賢大學士郭貫請以是集與所作續後漢書官爲刊本付待制趙穆編修官浦道源等詳定得旨允行卷首所載江西中書省劄付咨文蓋卽其事後官版散佚明正德己卯



沁水李淑淵重刊於鄂州陳鳳梧序之康熙乙酉武進陶自悅  
守澤州得李本於州民武氏家欲鋟木未果僅爲製序弁其首  
乾隆戊午鳳臺王鏐始校刊之而摭諸書之有涉於經者別爲  
附錄一卷綴之於末其誌傳行狀官誥劄咨及元明人原序皆  
仍舊刻冠於首今所行者皆鏐刻本云

一王雅二百五十篇

佚

見錢大昕元史藝文志別集類

原古錄

佚

見錢大昕元史藝文志總集類

唐宋近體詩選

佚

見同上

皇朝古賦選一卷

佚

見錢大昕元史藝文志騷賦類

平慶安丙子平宋錄三卷

存 守山閣本

平慶安燕山人杭州路司獄是書上中二卷紀至元十五年巴  
顏下臨安及宋幼主北遷之事與史多同下卷紀巴顏賀表追  
贈河南路統軍鄭江事巴顏功德碑則史所未備也舊題平慶  
安撰千頃堂書目以爲劉敏中作前人遂徑題劉敏中以平慶  
安爲開板印造之人非著書之人然大德鄧錡序云大德七年



杭州路司獄官平慶安建白大丞相太傅巴顏公加封淮安王  
諡忠武創祠立石於武成王廟左又次第平宋錄訖大路推官  
王國寶請序其首周明序云平獄司鉞梓王行實傳於世名之  
曰丙子平宋錄是書舊題平著不爲無據序中明言慶安名之  
曰丙子平宋錄今亦據以改題疑劉敏中所撰別是一書不必  
奪此予彼也

楊奐天興近鑑三卷

佚

奐事蹟詳先賢傳按天興金哀宗年號蓋奐在金時記其朝政  
如汝南遺事天興墨淚之類元史列傳誤爲大興近有以爲地  
志者則誤之甚矣還山集中臂僮記作三十卷

正統書六十卷正統八例序

佚

見錢大昕元史藝文志史鈔類按陶宗儀輟耕錄稱奐嘗讀通  
鑑至論漢魏正閏大不平之遂修漢書駁正其事因作詩云風  
煙慘淡控三巴漢燼將燃蜀婦鬢欲起温公問書法武侯入寇  
寇誰家後攻宋軍回始見通鑑綱目其書乃寢云云此書大旨  
以正統爲名似本此意

汴故宫記一卷

佚

見錢大昕元史藝文志地理類

紫陽東游記一卷

佚

見同上



北見記三卷

佚

見奘臂僮記

韓子十卷

佚

見同上按標題似有訛脫字諸家書目亦未載

槃言二十五篇

佚

見同上

硯纂八卷

佚

見同上

還山前集八十一卷後集二十卷

佚

見同上元好問作奘神道碑則稱還山集一百二十卷錢大昕元史藝文作六十卷參差不同舊本不得無從考定

還山遺集二卷附錄一卷

存 明宋廷佐刻本

此本明嘉靖初南陽宋廷佐所輯以掇拾殘贖故名之曰遺集凡文一卷詩一卷冠以考歲略又附錄傳誌題咏之類為一卷併各以採自某書得自某人及石刻今在某所注於下蓋明之中葉士大夫偶著一書猶篤實不苟必求有據如此

紫陽集八十卷

佚



見錢大昕元史藝文志別集類

杜瑛春秋地理原委十卷

佚

瑛事蹟詳先賢傳此書見馬祖常撰碑

論語旁通四卷

未見

千頃堂書目云緱山杜氏論語旁通二卷或作四卷中山李桓

序之

語孟旁通八卷

佚

見馬祖常撰碑按經義攷別出論語旁通而不載此書蓋千頃

堂所藏僅論語也此云八卷似每種各四卷

皇極引用八卷

佚

見同上

皇極疑事四卷

佚

見同上

極學十卷

佚

見同上

律呂律麻禮樂雜說三十卷

佚

元史本傳云瑛於律則究其始研其義長短清濁周徑積實各



以類分取經史之說以實之而折衷其是非於厯則謂造厯者皆從十一月甲子朔夜半冬至爲厯元獨邵子以爲天開於子取日甲月子星甲辰子爲元會運世之數無朔無閏餘率以三百六十爲歲而天地之盈虛百物之消長不能出乎其中矣論閉物開物則曰開於己閉於戊五天之中也六地之中也戊己月之中星也又分卦配之紀年金之大定庚寅交小過之初六國朝之甲寅三月二十有三日寅時交小過之九四多先儒所未發馬祖常撰碑作律厯禮樂雜說而無律呂金門詔三史藝文志又分律呂志禮樂志入禮家律厯志入天文家不知何據

中山文集十卷  
佚

見錢大昕元史藝文志別集類

趙復傳道圖

佚  
復事蹟詳僑寓傳按元史本傳復以周程而後其書廣博學者未能貫通乃原義農堯舜所以繼天立極孔子顏孟所以垂世立教周程張朱氏所以發明紹續者作傳道圖而以書目條列于後

師友圖

佚  
本傳復以朱子門人散在四方則以見諸登載與得諸傳聞者共五十有三人作師友圖以寓私淑之志

伊洛發揮  
佚



見元史本傳

希賢錄

本傳復又取伊尹顏淵言行作希賢錄使學者知所嚮慕然求端用力之方備矣

梁有演說文

佚

有事蹟詳先賢傳此書見盧文弼補元藝文志

文海英瀾二百卷

佚

天庥間有奉敕河南北錄金石刻於濟州得漢刻九通於泗水之中共錄金石刻三萬餘通上進其副類為二百卷曰文海英

瀾

續列仙傳三十卷

佚

見金臺集

耶律鑄雙溪小藁

佚

鑄事蹟詳先賢傳此書見

四庫全書提要今已彙入醉隱集原有趙著麻革王萬慶諸序跋雙溪醉隱集八卷

存

鑄集久佚

四庫本從大典錄出編為八卷有前集新集續集別集外集諸名鑄早從征伐足蹟涉歷多西北極遠之區故所述塞外地理典



故往往詳核如據和林城唐明皇御書闕特勤碑證新舊唐書  
作特勒之誤處月丁零二註辨論頗詳此類皆有裨於考證又  
其家在金元之間累世貴顯諸習朝廷舊聞集中如瓊林園龍  
和宮諸賦敘述海陵章宗軼事及宮室制度多金史所未及其  
他題咏亦多關係燕都故實而帝京景物略諸書均未紀錄亦  
足以資博識也至於金史耶律履傳元史耶律楚材傳均不著  
其里貫於史例頗爲不合今攷鑄寓厯亭詩注云子家遼上後  
家醫無閭又五湖別業詩註云余先居和林後寓隗臺今卜築  
縉雲五湖別業敘其遷徙之蹟頗詳是尤足以補史之闕矣  
雙溪醉隱樂府十一册  
未見

盧文弼補元藝文志詞曲類云分前續別外新五集與鑄醉隱

集同

梁曾學士詩集

佚

曾事蹟詳先賢傳是書見錢大昕元史藝文志別集類

盧摯疎齋文集

佚

摯事蹟詳先賢傳按元初能詩者以摯爲首錢唐張雨曰疎齋  
集據官本讀之一過生風凜然趙郡蘇天爵曰國家平定中原  
士踵金宋餘習率皆麤豪衰茶涿郡盧公始以清新飄逸爲之  
倡臨川吳澄曰涿郡盧學士所作古詩類晉人清言古文出入  
盤詰中字字土盆瓦缶而倏有三代虎雉瑚璉之器見者莫不  
改視



文章宗旨

佚

見錢大昕元史藝文志文史類

鮮于樞困學雜錄一卷

存知不足齋本

樞事蹟詳先賢傳是書所紀當時詩話雜事為多原本不著名氏故嘉靖中袁袞跋稱撰人未詳曹溶收人學海類編以鮮于樞自號困學民題所居曰困學齋遂以此書為樞撰今攷其書雖隨筆劄錄草草不甚經意而筆墨之間具有雅人深致非俗士所能偽託且元初諸人亦別無稱困學齋者定為樞作似乎可信末有厲鶚跋謂卷中金源人詩可補劉祁歸潛志之闕存之亦可以資採錄也開卷引李平許褚二事但錄舊文無所論

斷莫詳其意卷中趙復初二詩前後兩見字句有異同殆亦偶然雜錄未經編定之本後人因其墨迹繕錄成書如蘇軾志林仇池筆記之類歟

困學齋集

佚

見錢大昕元史藝文志別集類

曹鑑文集

佚

鑑事蹟詳先賢傳按元史本傳鑑為詩賦尚騷雅作文法西漢篇成學者爭相傳誦

耶律希亮懋軒集三十卷

佚



希亮事蹟詳先賢傳按本傳希亮爲史官時乃類次世祖嘉言善行以進雖疾病不廢書史或中夜起坐取燭以書所著及從軍紀行錄三十卷名之曰愫軒集

周之翰朝儀備錄五卷

佚

之翰字子宣大都人由侍儀舍人至冠州知州此書見錢大昕

元史藝文志儀注類

朝儀紀原三卷

佚

見同上

宋本至治集四十卷

佚

本事蹟詳先賢傳按本傳云其文峻潔刻厲多微辭每歎近世文體骯髒爲不足尙務爲高古以勝之始以詩歌擅名及聞貢舉詔下復習經義策問就王奎文講明性命義理之學造詣日深

宋娶燕石集十五卷附錄一卷

存

娶事蹟見先賢傳娶博覽羣籍與兄本後先入館閣並有集行世時人以大宋小宋擬之娶集爲其姪太常奉禮郎彊所編凡詩十卷文五卷首載至正八年御史臺咨浙江行中書省刊行咨呈一道歐陽元蘇天爵許有壬呂思誠危素五序末附謚議墓誌祭文輓詩又有洪武中何之權呂熒二跋蓋猶舊本歐陽元序稱其詩務去陳言燕人凌雲不羈之氣慷慨赴節之音一



轉而為清新秀偉蘇天爵序稱其詩清新飄逸間出奇古若盧  
仝李賀危素序則稱其精深幽麗而長於諷諭核其所說亦約  
近之至其詞藻煥發時患才多句或不檢韻成牽綴如正獻公  
墳所寒食詩有高墳白打錢句案章莊詩上相間分白打錢非  
紙錢也張女輓詩却是真魂埋不得句序稱其女工於屬對十  
歲而天按李商隱詩萬古真魂倚暮霞非十歲未字之女也如  
斯之類大抵富贍之過貪多務得遂不能刮垢磨光然武庫之  
兵利鈍互陳論其大體足為一家固不以字句累之矣其文為  
作詩之餘事然溫潤而潔淨亦不失體裁焉

皇元風雅八卷

佚

見錢大昕元史藝文志總集類

高彥敬文簡公文集七卷

佚

彥敬事蹟詳先賢傳是書見錢大昕元史藝文志別集類

李衍息齋老子解四卷

佚

衍事蹟詳方技傳此書見錢大昕元史藝文志釋道類

竹譜十卷

存

原本久佚

四庫本於大典中錄出分四門曰畫竹譜墨竹譜竹態譜竹品譜  
其竹品譜中又分全德品異形品異色品神異品似是而非竹  
品有名而非竹品六子目共為十卷卷各有圖蓋每二卷併一



卷矣其書廣引繁徵頗稱淹雅錄而存之非惟游藝之一端抑亦博物之一助矣中有有說而無圖者自序謂與常竹同者則不復圖非闕佚也續宏簡錄曰衍少時見人畫竹從旁窺其筆法始若可喜旋覺不類輒嘆息舍去復從黃華子曼慶學已觀黃華所畫墨竹又迥然不同乃復棄去至元初來錢塘得文同一幅欣然願慰自後一意師之兼善加青綠設色後使交趾深入竹鄉於竹之形色情狀辨析精到作畫竹墨竹二譜凡黏幘礬絹之法悉備鄧文原履素齋集有哭衍詩二首詩末註曰仲賓近刊竹譜二十卷其書世罕傳本浙江鮑氏所傳鈔者僅有一卷疎略殊甚不足存矣

李士瞻經濟文集六卷

存

士瞻字彥聞東安人爲翰林學士承旨封楚國公使閩適海酋據福州城王師攻之不下士瞻喻以禍福酋遂出降閩人立祠祀之具載東安李志

四庫提要則云先世新野人徙居荆門至正中初中大都路進士中書辟充右司掾除刑部主事累官戶部尙書出督福建海漕就拜行省左丞召入爲參知政事改樞密副使拜翰林學士承旨封楚國公以至正二十七年卒不言其爲東安人於其子繼本一山文集則云東安人占籍北平而不言其爲士瞻之子考元之東安有二一爲湖廣省永州路一卽大都路之東安州士瞻由新野徙荆門與永州不合惟紀士瞻云中大都路進士繼本云占籍北平其卽寄北平之東安籍歟東安志所紀與提要所云詳略不同大致則一是集爲其曾孫伸所編一山集亦伸所



編亦可謂賢子孫矣元史不爲立傳惟順帝本紀載至正二十二年樞密副使李士瞻上疏極言時政凡二十事具列其目大抵當時急務蓋亦讜直之士也集中所錄始於爲右司掾時而迄於奉使閩中故元史所載時政疏不在其中然所載往來簡劄至七十餘通幾居全集之半雖多屬一時酬答之作而當時朝政之姑息兵事之乖方藩臣之跋扈多可藉以考見其彌縫匡救委曲周旋拳拳憂國之忱亦不在所上時政疏下元史於順帝時事最稱疏略存此一集深足爲攷證之助正不徒重其文章矣

李繼本一山文集九卷

存

繼本土瞻之子本名延與以字行至正十七年進士授太常奉

禮兼翰林檢討中原俶擾隱居不仕河朔學者多從之以師道尊於北方其自敘云歲壬辰爲雄邑招致親夏楚事又有移教房山留別雄縣周尹詩繼本辭官設教士友咸稱廣文先生不稱故翰林元季崇師重道其流風可觀也又云洪武乙卯典邑校於涑以口耳之學爲桐子師丁巳秋得告還里戊午夏永清劉宰招致攝其鄉學明初學官聽郡邑長吏推擇名碩爲之其詩文俊偉疏達能不失前人規範長歌縱橫磊落尤爲擅場中有學李白不成流爲盧仝馬異格調者好奇之弊其失不免獷而野然愈於翦紅刻翠以詞爲詩者多矣

李有古杭雜記四卷

佚

有事蹟詳橋腐傳此書見錢大昕元史藝文志地理類



何失得之詩一卷

存

失事蹟詳先賢傳失能詩文與尚書高彥敬太常鮮于樞同學  
遺詩一卷京兆杜伯原敘而傳之

孟昉待制文集

未見

昉字天暉本西域人寓北平至正十二年為翰林待制官至江  
南行臺監察御史陳基孟待制文集序云翰林待制孟君砥礪  
成均敷歷省臺張光弼集多載與孟天暉西湖往還之作蓋天  
暉自翰林出歷官江浙亦在江淮兵亂之後入明未詳所終  
釋邁至元辨偽錄五卷

未見

邁大都路道者山雲峰寺僧此錄見元史藝文志釋道類

儀公續釋氏通鑑十五卷

未見

儀公字則堂京師大寶集寺住持所修續宋僧本覺之書始宋  
太祖至今見同上

萬松老人評唱天童覺和尚頌古從容菴錄

未見

萬松老人詳釋道傳此錄見同上

評唱天章拈古請益後錄

未見

見同上

釋氏新聞

釋氏新聞



未見

見同上

萬壽語錄

未見

見同上

盤山栖雲大師語錄一卷

未見

見盧文昭補元藝文志道家類

明

董倫太祖實錄

未見

倫事蹟詳僑寓傳建文元年修見明史藝文志正史類

黃潤玉儀禮戴記附注五卷

未見

潤玉事蹟詳僑寓傳潤玉著述甚富以朱子嘗欲作儀禮經傳通解未就乃取儀禮析為四卷以禮記比類附之不類者附諸卷後又以五禮獨缺軍禮取周禮大田禮補之以禮記載田事者附焉別為一卷皆為注釋見明史藝文志禮類

考定深衣古制一卷

未見

潤玉以禮記深衣制十有二幅鄭氏誤以為裳而玉藻長中繼掩尺注亦謬因撰此書

經書補注四卷經譜一卷

未見



見明史藝文志諸經類楊守陳曰先生以四書諸經注家或遺或誤乃撰經書補注王圻曰黃公補注其言多有可采

庸學通旨一卷

未見

見明史藝文志四書類楊守陳曰先生以大學中庸旨皆淵奧撰庸學通旨

四明文獻錄一卷

存

是編成於成化丙戌以四明文獻分爲二類一曰鄉先生自漢角里夏黃公以下三十五人皆四明產也一曰鄉大夫自周文種以下九人皆官於四明者也人各有傳并系以贊

甯波府簡要志二卷

存

是編以舊志太冗乃刪除繁贅定爲五卷體例簡潔亦康海武功志之亞

海涵萬象錄四卷

存

是書乃潤玉孫溥錄其平日言論分四十類

南山錄

未見

見宛平王志

南山稿

未見

見同上



姚廣孝道餘錄二卷

存鈔本

廣孝事蹟詳釋道傳廣孝棄儒為僧棄僧為官禪乘儒宗兩無所得是錄極詆儒術以自張其學持論尤無忌憚姑蘇志曰姚榮國著道餘錄專詆程朱少師亡後其友人張洪謂人曰少師與我厚今死矣無以報之但每見道餘錄輒為焚棄云云是其書之妄謬雖親暱者不能曲諱矣  
佛法不可滅論一卷

未見

見明史藝文志釋道類

逃虛子集十一卷類稿補遺八卷

存鈔本

廣孝為高啟北郭十友之一所著初名獨安集沒後吳人合刻

其詩文曰逃虛子集後又掇拾放佚謂之補遺其詩清新婉約

頗存古調

李紳抱犢山人稿

佚

紳字晉卿宛平人官至光祿寺少卿考核京官調外任三疏乞

退榜于座曰五斗懶將雙膝屈三章乞得一身閑多蓄道書手

錄至盈箱篋此書見宛平王志

董方渢縣志

詳紀錄順天事之書

讞獄錄

佚

此錄寺丞劉瀚所編學士劉定之序之



文集

佚

見周洪謨撰墓志

岳正深衣注疏一卷

未見

正事蹟詳先賢傳此書見明史藝文志禮類經義攷作深衣纂  
疏通州高志作深纂誤

類博雜言二卷

存刊本

此書雜論陰陽五行及醫卜星算之說中間論大衍之數及皇  
極經世之數亦頗有發明明史藝文志作二卷今已編入類博  
藁中

類博稿十卷

存

見明史藝文志別集類是集為其門人李東陽蒐輯遺稿而成  
凡詩二卷雜文八卷又附錄二卷前一卷載諸人誌銘傳贊等  
作後一卷則東陽以葉盛所作誌銘多所隱諱為正補傳也其  
文章天真爛漫落落自將史稱所草承天門災諭廷臣詔剴切  
感人舉朝傳誦足以見其一斑矣

崔富鹽政一覽

佚

富字教之薊州人正統辛酉舉人官至兩江運使此書見薊州  
沈志蓋富為運使時所著

李東陽燕對錄三卷



存

東陽事蹟詳先賢傳是書見宏治十三年三月至正德六年八月凡召見奏對之詞悉著於編其中所載有數大事若明本紀宏治十七年三月癸未定太廟各室一帝一后之制此書載定制端末甚悉蓋禮志中所未及詳又攷本紀宏治十一年二月己巳小王子遣使求貢夏五月戊申甘肅參將楊翥敗小王子於黑山此書則載六月小王子求貢甚急大同守臣以聞已許二千人入貢既而不來六月間走回男子報小王子有異謀內閣具揭帖以聞證之本紀繫求貢於二月先後差五月又本紀載楊翥敗小王子在五月則小王子之叛已在五月前矣而此書載六月間始報小王子有異謀頗爲不合考本紀載小王子之敗在五月戊申而六月首標己酉次標癸亥戊申距己酉止

一日則五月戊申乃五月盡日當六月間內閣揭帖時或猶不及聞耳書末載正德六年四月命闕會試錄一條八月召對禦流賊劉七齊彥明等一條與楊廷和所著視草餘錄全符似足徵信又考謝遷劉健於正德九年十月致仕楊廷和於二年十月入閣梁儲於五年九月入閣故是書於宏治十八年以後皆止書遷健至正德六年則書廷和及儲也

懷麓堂集一百卷附年譜二卷

存 康熙壬戌茶陵州學正廖方達校刻本

是集詩集二十卷文稿三十卷詩後稿十卷文後稿三十卷又雜稿十卷曰南行稿曰北上錄曰經筵請讀曰東祀錄曰集句錄曰哭子錄曰求退錄凡七種東陽文章平正典雅爲有明一大宗李夢陽何景明倡復古學以掩之迄不能掩明藝文志別



集類云前後集九十卷續稿二十卷與此不同明史藝文志  
四庫傳記類均別載東祀錄今已編入雜稿無煩複列東陽年譜  
本為朱景英編

國朝法式善病其簡略因采輯各書編為七卷前五卷唐仲冕校  
補後二卷謝振定校閱於東陽事蹟搜采無遺式善欲取本集  
刪其重複一其體例合前續稿甄錄之未知有定本否也

懷麓堂詩話一卷

存 知不足齋刊本

東陽論詩主於法度音調而極論剽竊摹擬之非當時奉以為  
宗至何李既出始變其體然廣古之病適中其所詆訶故後人  
多抑彼而伸此此編所論多得古人之意雖詩家三昧不盡於  
是要亦深知甘苦之言矣

顧大章小容集

佚

大章字天和號小容通州人宏治八年舉人官西安通判此集  
見通州高志

楊世揚集

佚

世揚事蹟詳先賢傳通州高志云有嫗解潞水之行東郊風雅  
瘦瓢等集蓋子目也

車璽治河總考八卷

存 刊本

璽宛平人成化戊戌進士官至河南按察司僉事是編考歷代  
治河之事以時代先後為次始周定王五年河徙砢磬并歷代



修治方略至明嘉靖十七年書內言明較詳又以禹貢史記河渠書漢溝洫志元史河源附錄宋濂治河議河南總志八條列後體例未免參差矣

賈斌忠義集四卷

佚

斌事蹟詳先賢傳此集見明史藝文志別集類

張欽三疏

存

欽事蹟詳先賢傳欽巡視居庸止帝出關三疏直聲徧海內曲周王鶚序而刊行

大同府志十八卷

存

是志乃正德癸酉欽官行人奉使代藩時所作凡四十門其沿革門紀大同晉置始興郡後魏徙都平城不知北魏始爲新興至天興中乃徙平城山川門白帝山祇載白登臺爲古蹟不知白登有繁時宮室武廟諸蹟載於水經注及通典者甚詳又黃河在大同廢東勝州南八里自榆林北塞經此乃折而南書中僅云自東勝界南流至太原往往失之外略蓋邊地少書又倉卒脫稿故也其別立烽堠一門又卷首圖說中有車營戰車諸圖爲他志書所無之例蓋大同在明代爲嚴邊故尤詳於武備云

保定志二十五卷

未見

見明史藝文志地理類



楊泰迺巡集十卷

佚

秦事蹟詳先賢傳此集見王用賓撰志銘

頓銳涿鹿先賢傳

存

銳事蹟詳先賢傳此書紀涿州先賢嘉言懿行以眎後學惟涿鹿實今之保安州非涿州也

鷗汀長古集二卷前集二卷別集二卷續集一卷漁嘯集二卷頓詩一卷

存

銳少負詩名當時稱涿郡有才一石銳得其八斗晚年卜居懷玉山吟詠自適其五言古詩氣韻清拔頗為入格七言古詩跌

蕩自喜而少剪裁近體專尚音節數篇以外意境多同蓋變化之功猶未至也

戈永齡太陽太陰通軌

存

永齡宛平人正德中官欽天監保章正是書取元代所輯大統麻七政交食通軌循其法而重演之原本不題卷數僅分三冊蓋其細草稿也

楊行中通州志略

詳紀錄順天事之書

王儀陝西河南奏議

未見

儀事蹟詳先賢傳此編為儀按陝西河南時奏議上谷奏議



未見

此編為儀巡撫宣鎮時奏議

吳中田賦錄五卷

存

儀守蘇州時以蘇屬田賦溷亡遂日沈思擘畫率僚屬躬循阡陌計丈數仍溝洫縣縣各為記籍卒披籍驗之或然或否恆懲一以警百民毫釐不敢有所隱乃以八事定田賦而賦平以十歲編徭役而役平以三法考課鈔而民之灌輸平令下初若煩碎後無不稱便者是書記事亦極詳贍可法

王緘愚谷山人小傳

存 文安志本

緘事蹟詳先賢傳是書見沈涵撰傳

楊淪翰林集

存

淪事蹟詳先賢傳此書見涿州吳志

南郭集

存

見同上

陳儒安邊十事

未見

儒字懋學復之孫嘉靖癸未進士歷官左都御史巡撫淮揚此書見宛平王志

陳堯醒翁集

佚



堯事蹟詳先賢傳是集見宛平王志本傳云堯所至輒聚生徒講學南安人爲之築醒翁亭咸稱其品詣可當廬陵云

郝勳川上草

未見

勳字孟立號涿川涿州人嘉靖丁酉舉人詩閒遠沖穆能自言其所得

余之祥易經統旨

佚

之祥字鳳梧宛平人此書見宛平王志

詩經統旨

佚

見同上

四書宗旨要言

佚

見同上

張重詩文集

佚

重順義人嘉靖辛丑進士官至職方司郎中此書見順義黃志

蘇志皋巡撫奏議十八卷

佚

皋字德明別號寒邨固安人嘉靖壬辰進士官至副都御史此書見汪來寒邨集後序

恆言一卷

佚



見同上

譯語畫跋一卷

佚

見同上

寒邨集四卷

存

此集凡詩二卷雜文二卷有汪來後序列朝詩選稱其才情富麗沾沾自喜並好作長短句

抱罕集

未見

見浙江采遺書目

王遴二鎮疏草八卷

未見

遴事蹟詳先賢傳此書見霸州朱志蓋遴任山西苛嵐兵備副使又任僉都御史按延綏時奏疏

奏議十卷

未見

見孫承澤撰傳

萍踪歲紀

佚

見霸州周志有崔象小序

大隱堂詩集

存

有錢達道序



劉效祖春秋稿二卷

佚

效祖事蹟詳先賢傳此書見宛平王志

四鎮三關志十二卷

存

見抽燬書目

古文詞雜著七卷

佚

見宛平米志

詩稿八卷

未見

見明史藝文志別集類效祖有詩名隆慶時曾遣中官索其詩

今畿輔明詩選存十一首

李贄九正易因四卷

存 刊本

贄事蹟詳僑寓傳自序曰易因一書子既老復遊白門而作也三年就此封置筴笥上濟北讀易於通州馬侍御經綸之精舍晝夜參詳更兩年而易因之舊者存不能一二改者且至七八矣侍御曰樂必九奏而後備丹必九轉而後成易必九正而後定宜仍舊名易因而加九正二字予喜而受之遂定其名曰九正易因也

藏書六十八卷

存 刊本

是書上起戰國下迄於元各採摭事蹟編為紀傳紀傳之中又



立名目亦未盡當

續藏書二十七卷

存 刊本

是編續前編而作輯明初以來事業較著者若干人以續前書之未備其書分開國名臣開國功臣遼國名臣靖難功臣內閣輔臣勳封名臣經濟名臣理學名臣忠節名臣孝義名臣文學名臣郡縣名臣諸目因自記其本朝之事故議論背誕之處比藏書爲略少然一劉基也既列之開國名臣又列之開國功臣一方孝孺也既列之遼國名臣又列之文學名臣經濟本無大小安見守令設施不足以當經濟乃於經濟名臣外別立郡縣名臣又王禕殉節滇南不入之忠義傳中而列之開國名臣內亦無義例

初潭集十二卷

存

是書集說部分五類曰夫婦曰父子曰兄弟曰君臣曰朋友每類之中又各有子目皆雜採古人事蹟加以評語其名曰初潭者言落髮龍潭時卽纂此書故以爲名

讀升庵集二十卷

存

是編哀集楊慎諸書分類編次凡採錄詩文三卷節錄十七卷去取無甚義例

李溫陵集二十卷

存

是集一卷至十三卷爲荅書雜述卽焚書也十四卷至十七卷



爲讀史卽摘錄藏書史論也十八十九二卷爲道原錄卽說書也第二十卷則以所爲之詩終焉前有自序蓋因刻說書而併摘焚書藏書合爲此集也

李三才誠恥錄

未見

三才事蹟詳先賢傳此書見通州高志

雙鶴軒詩集

未見

見同上今明畿輔詩傳選四十二首

灼艾集

未見

見同上

無自欺堂集

未見

見同上

王嘉謨薊邶集四十卷

存

嘉謨事蹟詳先賢傳此書見明史藝文志別集類今畿輔明詩

選六十三首

李天麟楚臺記事七卷

存

天麟字公振大興人萬厯庚辰進士官至監察御史巡按湖廣浙江是書卽在湖廣所作分地理圖說爲四卷兵糧圖說爲三卷又雜載章奏禮儀堂規供應等舊例猥雜煩瑣與書吏簿籍



無異其載贖餽賀儀銀數多寡以官階大小爲準可見當時苞苴陋習而公然載之簡牘毫無顧憚尤足徵明政之不綱也  
詞致錄十二卷

存

是集皆載詞命之文分制詞進奏啟劄祈告雜著五門中又各分子目所採上自漢晉下迄宋頗勝明末之猥濫

王樂善扣角集

未見

樂善字存甫遊子萬厓壬辰進士官吏部考功司主事其詩多自傷不遇之意

鷓適軒詩集

未見

見畿輔明詩傳小傳

李本緯灌蔬園集

未見

本緯字君章錦衣衛人萬厓壬辰進士官布政使此集見畿輔明詩傳小傳

楊惟治香雪齋集

未見

惟治事蹟詳先賢傳此書見通州高志

通署詠

未見

見同上

劉廷諫年譜紀略



未見

廷諫事蹟詳先賢傳此書見通州高志

白雲牘

未見

見同上廷諫先官刑部廣西司主事白雲樓卽司署也蓋編錄當時讞牘

司銓奏草

未見

見同上廷諫官吏部郎中所編

退谷讞言

佚

見同上

雲庵初集二集

佚

見同上

都下草

佚

見同上

米萬鍾易義四卷

未見

萬鍾事蹟詳先賢傳此書見宛平王志

篆隸考略二卷

佚

見同上



象緯兵鈴十二卷

佚

見同上

石史十六卷

未見

見同上

琴史八卷

未見

見同上

奕史四卷

未見

見同上

澄澹堂文集十二卷

未見

見同上

詩集十二卷

未見

見同上

南北史宮詞二卷

未見

見同上

湛然雜詠一卷

存

萬鍾嘗構漫園勺園又構湛園標園中佳勝為十八題因哀集



一時賦詠類爲此編

梁應澤國朝文獻考

未見

應澤事蹟詳先賢傳此書見大興張志

人物志

未見

見同上

朝政記

未見

見同上

涇原攷

未見

見同上應澤爲鳳邠道時均理韓藩宗田巡行固原涇州平涼州時攷

宋韓忠獻李忠定經濟略

未見

見同上

守徽錄

未見

見同上應澤先守徽州時編錄

關西末議

未見

見同上此亦應澤巡鳳邠道所作

晉議



未見

見同上此應澤官山西參政及河東道時編錄

撫鄖疏草

未見

見同上此應澤撫治鄖陽時編錄

王陞文集

佚

陞字德懋文安人萬厯辛丑進士翰林院檢討此書見文安楊

志

盧友竹武庫千秋鑑

佚

友竹三河人萬厯丙午舉人官至廣西按察使其任岢嵐兵備

道雲中太原兩撫交章爭為邊才最此書皆談兵之作

彝倫法戒錄

佚

見三河陳志

衛兵儲論

佚

見同上

盧氏家訓

存刊本

見同上李因篤序之云言簡而義宏體平而適用循則安而違則亂履則吉而悖則凶脩之家而有餘施之天下而無不足云云此書質直近理亦可概見矣



郝鴻猷蔭蘿軒集

未見

鴻猷字銘燕號勳甫霸州人萬厯乙酉舉人

汪化鱗灌息軒詩草

未見

化鱗字應雷霸州人朱志存王樂善序

張國說夢一齋集

未見

國說字貞子宛平人萬厯庚戌進士官布政使此集見畿輔明

詩傳小傳

方從哲乙卯召對錄三卷

存

從哲事蹟詳雜人傳乙卯為萬厯四十三年從哲獨相時也

釋真空篇韻貫珠集一卷

存

真空號清泉萬厯中京師慈仁寺僧也是書分為八門編成歌

訣一曰五音篇首歌二曰五音借部免疑海底金三曰檢五音

篇海捷法總目四曰貼五音類聚四聲篇海捷法五曰訂四聲

集韻卷數竝韻頭總例六曰貼五音四聲集韻捷法總目七曰

創安玉鑰匙捷徑門法歌訣八曰類聚雜法歌訣大旨以五音

集韻篇海為本二書卷帙稍繁門目亦碎故立捷法檢尋之無

所發明攷證又俗僧不知文義而強作韻語讀之十九不可曉

註中語助之詞亦多誤用其難通更甚於篇韻也

孫祖壽制勝篇



佚

祖壽事蹟詳先賢傳此書見昌平宋志

于奕正天下金石志

存

奕正事蹟詳先賢傳是書具載古來金石之所在略註撰書人姓名年月亦間有所攷證其中如衡方碑在山東而以為在陝西唐顏氏家廟碑今在西安府儒學而以為在曲阜據王崇簡都門三子傳所敘奕正始末蓋生長京師平生未出國門晚年始一游江南遂以旅卒其耳目所及者隘其不能詳者亦宜也書前有金鉉序又有劉侗略述六則詞頗儂佻蓋染竟陵公安之習者獨其稱孫雪居誤以李翁郝閣頌在冀郡潁川荀淑碑在潁上周少魯不載董仲舒漢贊於真定天甯寺隋碑於宛平

均為舛謬奕正此書正孫本者十四正周本者十七則尚為公

論云

樸園樂府

存

奕正歿後友人楊曰補歸與治刻其遺詩止數十篇

陳效忠增龜吟

佚

效忠字葵心萬麻拔貢生授山東登州推官時棲霞令與代巡相忤欲帶傷令泣訴求全效忠曰甯失官決不作此傷天理事注令上上仕至陝西延安府知府此書見房山佟志

王愛史論

佚



愛事蹟詳先賢傳此書見畿輔唐志

息機園集

佚

見同上

張文炳怡怡堂詩集

未見

文炳事蹟詳先賢傳文炳工書法晚益工詩與弟文輝最友愛

集名怡怡紀實也

紀克揚麗奇軒易經講義

存

克揚事蹟詳先賢傳是編用注疏本不錄經文但每卦約詰數條皆略象數而詳義理詳其文義蓋標識於經傳之上而其後

人錄之帙者也

四書講義

存

其書不錄正文每章約詰數語大旨為科舉而作

麗軒文集

佚

見秦松齡撰傳

迴文詩

佚

秦松齡撰傳云克揚著迴文體六十四字縱橫讀之可得詩三百六十首人咸服其綜密

張維蒼雪齋集



佚

維事蹟詳雜人傳此書見酌中志三十五

皇華集

佚

見同上

歸來篇

佚

見同上

徐兆任康山子集

佚

兆任字伯衡為都門宿儒游其門者如金忠潔鉉其首著也此書見宛平王志

楊三聘志道集

佚

三聘秦曾孫之柄之祖歲貢官兩當教諭此集見之柄墓志

金鉉易說一卷

存

鉉事蹟詳先賢傳經義考載賀世壽曰先生釋褐最少已勵必為聖賢之志非六經及諸儒心性之書不陳於棊几晝夜孜孜惟在聞道故於天經人紀肩荷獨力其人千古其學亦千古

語錄

存

見東林列傳

忠節公集六卷



存

見明史藝文志別集類

史可法忠正文集

卷

存

可法事蹟詳先賢傳

吳端御織綯堂集

佚

端御事蹟詳先賢傳是書見畿輔唐志

阮漢聞女雲臺

存

漢聞事蹟詳先賢傳是書取古婦女以武勇著者編次成帙以  
羞當時不能戰之將帥

樊夢斗中庸講義

未見

夢斗事蹟詳先賢傳是書左光斗謂為洙泗真傳湯斌謂為原  
性道究天人精義洞微

駐槎亭詩集

存

夢斗隱居不仕以詩自娛陶韋之亞也

徐本竹軒詩一卷

未見

見宛平王志

甯允琬紺葉庵集

佚



允琬字聃伯崇禎癸酉舉人游國學時試以鼻論日表南北士  
莫與匹者此集見房山佟志

王業隆忠烈考二卷

存刊本

業隆事蹟詳先賢傳是考紀明末事上自帝后下及甲申殉難  
諸臣參攷羣籍各繫以詩多掩抑蒼涼之作

詩集八卷

佚

見永清續志

華陽吳祖椿校



